

GENLATNA

Pathian mapuina chang in, Tukum 2012 September 'Beigual Thuzil' ding mel ei musaktu pa Pathian lopina chang ta hen.

K.S.P 54th Annual Session, Leimakhong Presbyterian Church ah Kum 2012 September 'Beigual Thuzil' guanggal dinga Upa Kaihau guat ahi. Zia dungjui a chun, "Thagau Thiangtho Nasep" ti thupi manga, Lungthim, Tha-leh-Zung, hun taktak seng in ahun buai pi a, sutdaw ahung hi tai.

Zillai Bu guanggal hi thil haksa tak mai ahia, mite hiatthiam thei dinga tawmngai taka ei zia k piak na chug ah kipak a um takzet hi. Zillai te leh a mangtu ta phawtte a dinga malsawmna ahi ngei ka kinem hi.!

Sd/-
Rev. B. Lalla
Executive Secretary,
KSP.

HAWL BAILAMNA (INDEX).

2012 SEPTEMBER, BEIGUALNA THUPITE:

Thupi	Pek No.
No. 1. Pathian chu mihingte hinna bulleh enkawltu a hi.	: 04
No. 2. Mihingte hi Pathian chate , Pathian Thagau umpi a hui.	: 06
No. 3. Thuthunglui ah Thagau thuamna changte.	: 08
No. 4. Pathian chu Thagau a hi.	: 11
No. 5. Pathian Thagau chu Thamuantu a hi.	: 13
No. 6. Pathian Thagau chu Jesu chanchin hiatchian saktu a hi.	: 15
No. 7. Pathian Thagau chu Jesu thugente hiatchian saktu a hi.	: 17
No. 8. Pathian Thagau chu gitlo hiatsaktu a hi.	: 19
No. 9. Pathian Thagau chu puitu, thupuangtu a hi.	: 22
No. 10. Pathian Thagau chu thilhitheina a hi.	: 24

sek ah, zia chun mi tam tak lung a suhei sek hi. Mihingte hi i gitlo min a gen leh pawm ah kisiampnat hi thil haksa tak a hi. Himaleh, Pathian Thagau in gitlona a hun musak phat leh kuaman Pathian ang in ka dik hi ti ngam a um puai. Numei zawntatnu thu ah khan, Jesu chun numeinu chu suang ah selup ding a hi leh, nang uh lak ah sualna neiloten sep masa un, a tia. Jesu ang ah, sual ka nei puai, tia suangtum pan ngam ah numeimnu suang ah seplum ngam pakhat le a umlo ziak un, a lianpente chu a zammang masapen in a pang ua, Jesu ang ah ding ngam pakhat le umlo in a taimang zokei tau hi.

Pathian Thagau in a ko ko ziang lai ah, Pathian kiang ah gitlo ngaidam dawn nuamlo zosia chun

Jesu chu vaihawm ding ah suum lak ah a hung kit phat leh Jesu leh Pathian Thagau chung ah sual a bawl zosia kimuchian in tin uh, a phatchuamlo nung in, cha thi sun gual in Jesu ang in a la kap innau. A kikhel nung ah thi ngam ah ka sang in a hun lai in sual ngaidam dawn in Jesu ang in Thagau pawl in ngaidam dawn in, ngaidamna chu mu ngei ngei ding la hi.

Thagau nasepna thupipen chu sual sawp thianna a hi. Sual sawp thianna chu hukdamna a hi. Pathian Thagau la changta em? Pathian tawh thagau ah la kizawp leh Pathian cha la hina chu thagau in a tepte leh hukdamla hi. Pathian chun a chate zosia hukdam ding a hi. Jesu naak ah thisan leh tui luang dawk hi, mangthaite damna lui a hi. Thisan chu tatna a hia, tui chu hinna a hi. Jesu chun a hun tan dawk ah, hinna a hun piyai, tina a hi.

***** The End *****



Zawlnei Zekariah in zia gual hin a la genlawk hi. David suante, Jerusalem ah chengte chung in ka lungsiatna thagau tun sak ing ka tin, a sut liamnau mun ngei chu en in tin uh, chapa changkhat nei sun thi gual in suun in tin uh, cha lutil thi, a thawk theilo gual khawp un, suun innau, (Zekariah 12:10). Pathian in Jesu a sutnau liam chu a muchian zosian a thawknat ding ziau, achapau nei sun uh thi gual ah a sun ding dan uh, a la genlawk a hi. Zawlnei in Pathian in na a sak dan chu a mu, mihing, a hechian zosian le na sa ma ma in kap innau, tia a la genlawk a hi. Kros ah Jesu thawkna, naa sa ma ma ah sun kha ngailo chun, Jesu thawkna a thawkpikha nai puai.

En in, ama chu sum lak ah hung ding a hi. Mi zosia leh ama suntute ngei in mu chiat ding a hui. Lei ah mi zosia chu kap in tin uh, ama chu suun innau. (Thupun 1:7). La phuaktu chun: **Entia, a keng ah pat a lu, Lungngai leh hepina a luangkhwam; Zia gual thil saw a um thei em? Ling in lukhuk a siam ngai awm?** Jesu a khetdennau ah, a kilnau liam, linglukhuk sutna liam leh a thi chu tawngkhawploh ah, a thi nung ah le cheizum ah a nak a sutpiak ua, thisan leh tui a hung luang dawkh i.

Zawlnei Zekariah hin, thagau ah a mulawkh dan a gen chu: Ka thagau hun sawling ka tin, a sutnauliam chu en in tin uh, chapa changkhat thi gual in suun in tin uh, cha masapen thi gual in suun innau. Jesu nak cheicha a sut liamnau ah thisan leh tui pawt chu Pathian in bang gual in na a sa diam? Zawlnei kam ah a la gen lawksa a hi. Ziachu lei ah damsung ah, thagau kilaakna mu ah, mitthi, thek senlo seng ah, Jesu ang ah kisikte chu mi hampha tawpkhawkh a hui hi. Israel mi, Jesu gingtute chu zia chu a mu phat un, Jesu zia ah martyr tiang ah hukdamna nasem ding in a pangtau hi. Jesu min ah martyr in tam tak a thiuh ah, Jesu hepina, thisan luang chu khawvel ah puan zak in a um hi.

Revival thupina zosia ah, thagau a tung ah, miten thagau mitvakna a hun nei ua, mi dangte gitlona mulo in amau gitlona a muchian sek ua. Saul gual in gitlo kisik in, a khut uh leh a keng uh kithing in, thagau a chang ua, mitthi luang in leitual ah kilik in Pathian kiang in ngaidam a dawn sek ui. Mitthi luang pum in leitual aha kilik au, a pauchap ua, gitlo ngaidamna a mu' u hi. Thagau thiangtho tunna zosia in gitlo kisikna hi a thupipen

Thupi	Pek No.
No. 11. Thagau Thiangtho thuam ah Philip nasepna.	: 26
No. 12. Pathian Thagau in nasem ding in mi a sawl hi.	: 28
No. 13. Lalpa tawh kizawpchu thagau ah kizawm a hui hi.	: 31
No. 14. Pathian Thagau ngei chun ei dawt piak sek hi.	: 33
No. 15. Pathian Thagau chu sunggil lam hethei a hi.	: 35
No. 16. Pathian Thagau pui ah um chu Pathian chate a hui.	: 37
No. 17. Penticost ni Thagau Thiangtho hung tunna.	: 39
No. 18. Thagau Thiangtho hung tun phat ah gingtu hung punna.	: 43
No. 19. Thagau Thiangtho in pau hiatlo ah a pau sakna.	: 46
No. 20. Thagaumite khut ngat zia ah thagau channa.	: 48.

Thupi	Pek No.
No. 21. Pathian Thagau chu Kochuamte suhattu a hi.	: 50
No. 22. Thagau in Pathian thu leh Jesu thu a puang hi.	: 52
No. 23. Thagau in Kochuam thu pawimaw a puang hi.	: 54
No. 24. Taksa mite chu Thagau Thiangtho neilo a hiu.	: 57
No. 25. Thagau ThiangthoThilpiakte.	: 60
No. 26. Thagau Thiangtho gate.	: 62
No. 27. Thagau ah dim zing ding.	: 65
No. 28. Thagau Thiangtho suthase ki un.	: 67
No. 29. Thagau Thiangtho hi Jesu thawkna sulangtu a hi.	: 70
No. 30. Jesu naak ah kipat thisan leh tui luangdawk.	: 72.



Thagau in a pawl ah, a kiko ua, a kap ua, mitthi luang pum ah, la a sak uh chu a tawp thei ngai pua, la pakhat a sak sung uh chu dakkal khat a lut sek hi. La a sak phat uh leh thagau chang a um be zel ah, thagau changte chu a kithing ua, a gitlonau chu kisik in a khut uh leh a keng uh a kithing ah, Pathian kiang in ngaidam dawn in sawt tak tak a pauchap sek ui. Chun, kum 1859 in thagau nasepna a hung tung kit ah, zan khawvak leh sun nitum in a pauchap sek ui. Nungak leh tangval thagau changte chu a thanuam diak ua, zan khat a kikhawpnau chu a pel thei puau ah, a zing zingkal dak 5 A.M. in a pel thei bep ui. Pathian Thagau nasepna chu mihing pilna ah hetchian thei a hi puai. Wales gam ah thagau nasepna gitlo kisikna ziak ah mipi mitthi leh kana ziak in missionary tam tak hukdamna chanchin pha gen ding in khawvel gam chuam chuam in a chiau ah England ah kilekit talo in tam tak a thi dentau hi.



No. 30. 1st September, 2012. (Kiginni).

Jesu naak ah kipat thisan leh tui luangdawk..

John 19: 34.

Jesu a khetden ni'u chu Judahte Kiginni a hi ziak in Jesu luang chu Sabbath ni tiang ah a um ding pha a sa puau hi. Mi a khetdenteu chu a thi thianlo leh a keng uh khetbawt ah, a luang uh chu lakthak ding in Pilat kiang in a dawn ua. Zia phalna chu a mu phat un sepaite a hung ua, Jesu kiang ah kikhendente keng chu a khenbawng ua, a luang uh chu a lathau hi. Jesu kiang a hungtun phat un, a et uh leh ama chu a la thizota, a keng chu a khenbawng tapuau hi. Hiamleh, a lak ua sepai pakhat chun a cheicha in a nak a vak sut leh thisan leh tui a hung luangdawk hi. Zia chu a va muchianpa ngei ngei in a gen ah, a thugen chu a dik ngei hi. Ama chun a dik hi, ti a hiatchian a gen a hi, zia thu hi thu tak leh taksan um a hi. Jesu nak ah thisan leh tui hung luangdawk hi, lei leh van ah gen chimlo, Van Pathian hepina luangdawk a hi. Zia thu hi van ah vansawlchakten le a gen theilo uh hepina thuk leh mak a hi. Lusei la phuaktu in, Thukna, thukna ka gen thei puai, aw hepina a mak taluai, a ti kha a hi.

chu a hing in va mu'n la tin,
Kalvari tang chanchin a la hil inna.

ti hi, a hi. Pathian thagau in Jesu thawkna hi a hun musak kha taem? Pathian Thagau in Jesu thawkna hi a hun genchian kha taem? Pathian Thagau thiangtho nasep thupipen chu Jesu thawkna suklat hi a hi. Jesu chun Saul kiang in, la sukgenthei Jesu ka hi. Keima ei sutnau thikzum kha nangman la hun pal chu a na ma ma a hi, a tiphat phat in, Saul chu a lau ma ma ah, a kithing ah, Lalpa bang ka bawl diam? a ti tai. Zia ni ah chun Saul thagau a chang ah, a kilik ah, khua a mu thei tapuai. An a ne thei pua, tui le a dawn thei puai. Pathian mi, Ananias chu Pathian in a nawplo sa sa in Saul pauchap piak ding in a sawl hi. Pathian in a gen gual ah a va pauchap piak leh khua a hun mu thei ah, a hung damtai.

Revival thupi tak tunna zosia in mak tak in, Thagau nasepna a tung sek hi. Kum 1739 kum thak ni ah chun Methodist Kochuam phudawkte: John Wesley, Charles Wesley, George Whitefield leh a lawi dangteu mi pali chun an a ne khawm ua, England gam kochuam siatna leh sualna gim huaise tak chu Pathian in bang gual bep in a kidak ta diam? a tiu ah, lungkham in a kap ua. Zan khawvak in a pauchap

ui. Zingkal lam dak thum vel in thagau a hung tung ah, ngai tak in a kap ua, a kiko ua, mitthi luang zung zung in Pathian kiang in ngaidam a dawn ua. A chung ua thagau nasepna a hung tun phat in a kilik ua, leitual in a lum ua, a kap ui. A khut uh a zak ua, Hallelujah, ti in a kiko ua, Pathian pak in a kiko ko ziangtau. Zia Revival thupi tak chu England gam ah mite chun Methodist Revival a tiu hi..

Zia Revival thupi tak chu Whitefield in a sunzawm ah, Kingswood in kikhawpna a nei ua, suangmeihawl chote leh mi chaga haw chu thagau a chang ua, gitlo kisik in mipi chu thum zung zung in a kap ui. Gitlo ngaidamna la sa in Pathian a pak ua, mitthi luang pum in, a ban uh a zaak ua, a kichawm chawm ziang ui. Tha khat leh a kim sung chu thagau nasepna thupi tak a um hi. Mi hausa leh mi chaga kikhendanna a um pua, thagau chang zosia chu kingaina tak in a um ua, a kikhen thei puau hi.

Ziazaw ah chun Calvinistic Methodist-ten Revival a bawl ua, tarik 5th January, 1743 ni ah a la sak uh leh a tui ma ma ua. A lasak nawp lai tak uh chun thagau a hung tung ah, a la sak uh chu a tawp thei pua, vel tam tak a sau hi.

1st September, 2012. (Kiginni).

No. 1

Pathian chu Mihingte hinna bul leh enkawltu a hi.

(Genesis 1: 2, John 6:63.)

A til in Pathian in lei leh van a siam ah, lei chu melput dan nei nailo, tui thuk tak in a chup khum leh thim in a khukhum a hi. Zia tui chung ah chun Pathian thagau a chia lumlet zing hi. Pathian chu vante leh lei siamtu a hia, lei chu bangma umlo, a hawm ah a um lai in le Pathian Thagau in a awpkhum a hi. Pathian in vante a siam thu chu Bible in a kiziak pua, mihingte hiat phaklo leh ngaitua phaklo a hi. Lalpa Pathian in lei in mihing a siam ah, a nak-hawm ah hinna hu a thalut ah, mihiam chu thagau hing a hung hitai. (Gen. 2:7). Adam ah kipat Pathian hinsa mihingte chu a hung pungto zel ua, khawvel ah mihingte chu a hung tam ma ma tau hi. Zia mihingte chu a taksau lei ah siam, a hinnau chu Pathian hinna a hi. Amau chu lei mi hileule van Pathian chate a hiu. Lalpa Pathian in lei leh van a siam ni kipat ah van leh lei suante (lei ah Pathian suante) chu ziate haw hi a hiu, ti in Bible ah

Genesis 2:4 in a gen hi. Mihing chu Pathian suan a hiziak in Pathian in Adam leh Evi chu a va vetha zing hi. Pathian chu a pau a hia, Adam leh Evi-te nupan chu khawvel pumpi neitu leh enkawltu a hiu hi.

Adam chapa, Abel thi nung in Adam in, chapa pha tak, ama duthusaam gual tak, a hun nei kit ah, a min chu Seth a hi. Adam chu kum 130 a hi in a thitai. Seth suante chu Pathian in a kantha zing ah, a hung pung deu deu ui. Kain (Kaina) suante chu Pathian in vethalo maleh ala pung zel ua, amau le tam tak a hung hitau. Pathian hephalo, Kain suante chu a hung tam ma ma ua, nungak tangval tam tak a hung um ua, nungak melpha tak tak a um ui. Seth suante, Pathian tawh kihephazui zingte lak ah tangval haw chun Pathian helo nungak melpha haw chu a hun enla ua, zi in a hun nei ua, a hung kichengtau hi.

Ziaphatchun, Pathian a lungna ma ma ah, ka Thagau chun mihing chate delzui zing tapuanna. Amau chu leisiat taksapu bep a hiu hi. A damsung niu chu suchawm ka tin, kum 120 bep dam sak tang ka, a tia. (Gen. 6:3). Khawvel ah mihing damsawtpen, Methuselah chu kum 969 a dam ah, a pute chu kum 900 val damte khang zaw ah chun Pathian in mihing dam kum chu 120 bep in a suchawmtai. Seth suante chun Pathian hephalo, Kain suante, nungak haw a hun kichenpi ua, cha leh nau a hun nei ua, mihing chu a hung pung ta ma mau hi. Pathian hephalo hial mihingte chu Pathian munawplo thil ngawn a bawl ziak un Pathian a lungna ma ma tai.

Pathian thagau in leichung a ven zing ziak in lei ah mihingte sualna chun Pathian a sulunggim ma ma hi. Pathian chun mihing a la siam chu le a kisik ma matai. Khawvel ah sualna huaisia chu a huat ziak in khawvel pumpi sukbei ding a nuam tai.

Zia hun ah hin khawvel ah mi pha chu Noah bep a hia,

ama chun chapa pathum a hing a; Shem, Ham leh Japheth a hiu. Pathian in Noah a ho ah, khawvel ah mihingte gitlona huaisiat dan leh a lungnatna thu a gen ah, a thi nuamlo zosian kuang a kituk chiat ding uh a hi, ti thu a puan sak hi. Himaleh, kuaman a thu a awilo ziak un tuilet in mi zosia a chumlum ah, Noah te sungkuan leh gancha a lawng ah a kawite bep a damtau

Zia hun lai ah chun le khawvel ah Pathian hia, Pathian tawh kihotheite chu Pathian in a ho ah, a dawi gual a gen sek hi. Pathian chu thagau a hia, Pathian tawh kihotheite chu thagau tawh kihothei tina a hi. Mihing ah Pathian hinna chun Pathian thagau a hia, Pathian in le ama chate chu sual leu le a he zui zing hi. A siamphat theilo kei phat leh a khawvel hinnau chu a suksiat piak in, a subei sek hi. Pathian chu bangtik lai in le Thagau a hiziak in ama hoten, ama ah Pathian hinna thagau ah a ho uh a ngai sek hi.



No. 29. 29th September, 2012. (Kiginni).

Thagau Thiangtho hi Jesu thawkna sulangtu a hi.

Acts 9: 5., I Korinth 2: Galatia 6:14.

Saul chu Damaska khua kiang a tun phat in thakhat in vak in a hunkhaw ah, leitual in a kilik hi. Aw a hung pawt ah, aw chun, Saul Saul, bang a tia, nangman ei sugenthei la hem? a hun tii. Saul chun, Lalpa kua la hem? a tia. Jesu chun, la sukgenthei, Jesu ka hi. Sutnamawlzum, la hun pal hi, nang a ding in a na a hi, a tii. Ziaphatchun, Saul chu a lau ah, a kithing ah, Lalpa, bang bawl ding ah lei dawi a hem? a titai. Jesu chun tho in la, khawpi sung ah chia in, la nasep ding min hun hil innau, a tia. Pathian Thagau Thiangtho chun mite kiang ah mangthaite hukdamna ding ah Jesu thawkna chu a genchian nawppen a hi. Saul in kilaakna a mu ah chun Jesu thawkna a muchianta, zia ni ah kipat chun, Jesu melma hitalo in Jesu a ding ah mi thupipen a hung hitai.

Sawlchak Paul chun Korinth mite kiang in Jesu Khrist leh Kros ah a thawkna thu bepochu la kiang ua kipat het nawp dang bangma ka nei puai, a tia. Sawlchak Paul chu kochuamte kiang ah kipat Jesu chanchin leh Jesu thawkna thu hi a hiat

nawppen a hi. Paul in Galatia kochuamte kiang in, i Lalpau Jesu kros lo chu suan ding dang bangma ka nei puai, a tii. Pathian Thagau in Jesu thawkna, liamna, kros leh a thina chu gingtute kiang ah a suklat nawppen a hi. Jesu thawkna nat zia hi, thagau changte longal chun kuaman a mu puau ah, a kapi thei diak puau. Kristiante chu Jesu thawkna thawkpitude i hiu hi.

La phuaktu chun: **Thu mak ka gen chim theilo chu, Kalvari chanchin a hi. Bangtin hem, Pathian cha changkhat, mi gilo kei di'n a thi ? Kalvari tang ka ngaitua hai theilo hial. Nanguh van Angel thiangtho leh Seraphim lopite haw, Nisin Lalpa nasemte leh, A dawigual hi sekte haw, Kalvari tang chanchin lei hil thei puau em? Aw, ka thagau zia tang ah chun, Sun leh zan in va leng in, La Lalpa Kros lek ah um chu a hing in va mu'n la tin, Kalvari tang chanchin a la hil inna.**

Zia la ah kipat sermon lopipen chu, **La Lalpa kros lek ah um**

Thugentu chu thagau mi a hileh a nasepna in thagau malzawlna a um sek ah, a thugen ngai thate'n le a ngai nuam ua, la sak leh pauchapna a tui sek hi. La sak le a sawt sek ah, pauchap le a sawt sek hi. Pathian thagau zal ah thu leh la ah tuisate chu ginna det tak ah a pitin theina ding uapanpi chu kochuam puitute, nasep ding a hi. Thagau nasepna leh thagau changte khanletna ding ah thilpha kikawkmu ah, a phalam ah kisukthatnawp ding a hi. Damaska khawkiang ah Saul chu vak in a hun khaw ah khan leitual in a kilik hi. Bang a tia, Saul chu kilik khel khel a hem, tia dawng le hen, kuan ei dawnhu diam? Pathian thagau nasep chu Pathian thagau in a hia, thagau milo in a genchian thei ei puai. Zia gual ah chun thagau changte hi bang a tia, kilik a

hi diam uh, ti in mi tam tak in a dawng sek ui. Saul kilik ziak chu Bible hilchiantehilchet theilo Pathian nasep a hi. Ziakiakchun, Jesu chu mak, lemguatpa a hi. Jesu thugen zosia leh a thilmak bawl zosia hi tutiang ah hiatchian leh genchian theilo a tam hi. Pathian Thagau in a hechian hi. Pathian thagau nasepna dodal chu thagau dawilo leh sunuak a hi. Jesu kengphek numei, gitlo kisiknu'n a mitthitui in a sawp ah, a chawp ah khan, a annekna inn-neipa leh Jesu nungzuite khan a hethiam puau hi. Taksa ah hiathiam zing ding in Pathian thagau in na a sem zing puai. Thagau nasep chu mihing thunuai ah um a hi puai, Pathian thagau in a sep sak sek a hi zawi.



No. 2.

2nd September, 2012. (Pathian ni).**Mihingte hi Pathian chate, Pathian Thagau in a umpi a hiu.**

(Genesis 1:1-2)

Pathian in ama gual gual in mihing, numei leh pawsal a siam hi. Amau chu mal a zawl ah, la chateu hung pung in khawvel hi lua suak un la, lei chung zosia ah thuneitu leh vaihawmtu hung hi'u un, a tia.(Gen.1:27-28). Mihingte hi Pathian suante a hiu, ti chu chian tak in a kilang hi(Genesis 2:4). Himaleh, Pathian leh mihing kikal thu chu mi tam tak in a he puau hi. Pathian chu mihing a ding in siamtu a hi em? a hiloleh a hingtu a hizaw diam? (Malaki 2:10). Mihing chu Pathian siam a hileh bang a tia mihingten Pathian chu Pa, a ti thei uh a hi diam? Mihing khangthu ah a thilsiam in pa a ti ding khawvel ah a um ngai puai. Ganchaten le a neitu chu pa a ti ngai puau. Mihingten, Pathian chu pa a ti uh, dik leh diklo hiatchian a ngai hi. Adam tawh Evi kichen ding in Pathian in pawsal chun a nu leh pa nusia in tin a zi tawh umkhawm in tin uh, amau chu taksa pumkhat hi tannnau, a tia.(Gen.2:24). Pathian chun Adam pa, ka hi, a tina a hi.

Mi tam tak in mihingte chu Pathian siam a hi, a tiu.(Gen.2:7). Bible in Adam chu Pathian cha a hi, a tii.(Luke 3:38). Pathian in Adam chun a pa, Pathian chu nusia in tin, a zi Evi tawh pumkhat hitannau, a tina a hi. Jesu nungzuite, hotupa, John in a nungzuite pauchap dan a hil gual in, nang le, pauchap dan ei hil in, a tiu. Jesu chun a nungzuite chu pauchap dan a hil ah, **“Ka pau van ah um”** ti un, a ti a hi. Ei siampa van ah um, ti un, a ti puai. Sawlchak Paul in Rome mitekiang ah Pathian chu lau tak ah ho ding in, Pathian Thagau la chang puau hi. Pathian cha la hiziak un, Pathian chu nel tak ah, Abba, He pa, la ti sek zaw uh a hi, (Rome 8:15) a tii. Sawlchak Paul in Galatia gam ah Jenteltekiang in Pathian cha la hiziak un Pathian Thagau la chan tak uh leh, Abba, He Pa, ti in la ko sek zaw uh a hi, a tii.(Galati 4: 6)

Thilsiam in Pathian go a lua ngai puau hi. Mihingte chu Pathian cha a hi ziak in go lua ding ah ko leh tatdaw i hiu hi.

Mihingte hi Pathian thil siam a hi tia, zia gual ah chu mite zilti chu diklo a hi. Jesu chun kuanle thu sawmpiate lak ah pakhat bawtsia hen la, mi dangte le zia gual ah chu bawl ding in zilti leh ama chu van gam ah mi neupen tinnau, a ti gual hin a. Jesu chun a nungzuite kiang in Pathian siamsa la hui, a ti ngai puai. A nungzuite kiang in, la Pau, van ah um chu, a ti sek zaw a hi. Pathian tawh mihing kikal thu chu Pathian Thagau nei zosian, a hechian ua, Pathian Thagau neiloten chu hiat haksa a sau hi.

Mihing hi bang a hia hem? la ngaitua zing ziang, mihing chate hile kua a hui ah a hem la kanthaak zing sek? (Sam 8: 4). A ziaktu, David hin chu mihing chu Pathian cha hi dan a hechian hi. Naupang a hilai ah, a pa belamte chu sakei leh savawmten a hun mat phat ua leh David chun a kichupi ah, sakei lehsavawm le a that sek hi. Kum 1060 B.C. vel ah Goliath, philistine mi lian leh mi hat chungnung, feet 9 leh 6.5 inches ah sang, vaisuangse bep ah selupgua a kuan ah khan Pathian Thagau thilhitheina'n a thuan hi, ti chu a hechian ma ma hi.

Khawvel ah tunitiang ah, mi lianpen leh mi sangpen, Goliath that ding ah, vaisuangse bep chaw ah, a gal chu a del ah, khatvei bep a vak se leh Goliath chu a kithaltai. Bang in Goliath chu a tha a hi diam? Vaisuangse in Goliath lugu a sep vangziang zo diam? Pathian thilbawl a hi. Taksa mite hiatthiam ding in Pathian in na a sem zing puai. David chu Pathian cha a hi zia in Pathian hatna ah Goliath a tha thei a hi.

Thuthunglui hun ah thagau mi minthangpen chu David a hia, Sam lekhabu ah la kiphuak tampen hi David la a hi. Ama leh mi zosian a ginchaklo hial in Pathian in Israelte lal ding in sathau a nu ah, a tangval ma kipat in Israelte lal ding ah guatsa a la hitai. Tingtang tum ah Pathian pakna la sa, Pathian ngaina, la sa zing mi a hi zia in lal Saul lungthim buai ah ngawl le Pathian ngaina la a sak piak sek leh Saul lungthim buai chu a hung pil ziang sek hi. Thagau thilhitheina nei ah Pathian tawh kizawm mi a la hi. Thuthunglui hun ah le Pathian in a ngai mite haw chu a Thagau in a pawl ah Van lam thil mu leh ngai ma ma in a um sek ui.

kichu chu, Paul thugen a sawt zia in, a la ipmu vuang ah, inn-sawng thumna ah chun a ketha, a thisan a va paidaw ua. Himaleh, Paul chun a pai ah, a hinna a um nalai hi, a tia. Tangval chu a dam kit ziang ah, dam tak in a khualzinna ah chun a zin zel thei hi. Thagau mite hin thu a gen uh leh sawt tak tak a gen chang uh a tam ma ma hi, ti chu Bible in a chuang hi. Kochuam pumpi in thugen sawtte muda ziang ti hi, kochuam kalsuan diklo a hi, ti hiatchian a ngai hi. Thagau mi muda ziang, ti chu, ama ah thagau thiangtho nasep musit tina a hia, thagau thiangtho dodalna a hi. Thagau Thiangtho dawi lam a hi puai. Jesu'n vaihawmni phat leh hukdamte kiang in ka dang a chak in dawn ding lei piau ah, ka gil a kial in nek ding lei piau, ka damlo in lei kanthau ah, ngawnchang ahka um in sil ding lei piau hi, ti'n tin. Amau chun, Lalpa bangtik ah ka hun kaitua khau ah a hem? ti'n tin uh. Jesu chun ka mi neupen kiang ah thil pha la bawl kha ka chung ah bawl la hui, tinna, a tia.

Chun, Jesu'n a veilam ah chute kiang ah chun, ka gilkiang, dangchak, damlo leh suangkul ah ka um in lei kantha ngai puai hi, tinna. Amau chun, bangtik ah ka hun bawlse khau ah a hem, tinnau. Jesu chun, ka mi

neupente kiang ah la bawllou uh chu kei chung ah bawlsia la hui, tinna. Thagau mite bawlsiatna chu Jesu'n hemillo ding a hi, ti a genchianna a hi. (Mathai 25:31-46)

Paul a pianthak ma ah, Saul min a puak lai in Jesu nungzuite a sukgenthei zia in gingtute chu a taizaak ua, a hin theina ding mun uh zuan in mun chuam chuam in a chiatau. Zia lai ah chun Jesu nungzui, Philip chu Samaria khua in a chia ah, hukdamna thu a gen leh mipite chun a ngai nuam ma ma ua, tam tak a piang thak ua, baptisma a changtau. Philip chun mihing sung ah thitha buak umte haw chu a nawdawk ah, zeng tam tak a sudam hi. Nungzuiten mi chung ah a khut uh a ngau ah, a pauchap piak uh leh thagau a chang ua, thilmak le a bawl thei ui. Ziachu dawithiam, Simon in a mu phat in paisa piak ah zia gual thagau chu chan ding guan a dawn hi. Himaleh, Peter chu a lungna, bang a tia, Pathian thil thawn piak chu paisa chawk ding gua la hi em?. La paisa tawh mangthai khawm tan, ti in hansia a lawtai. Pathian Thagau thil thawnpiak hi, thawlawn dawl na ah mat ding ei puai, ti hi, tulai kochuam in zil leh hiat chiat ding ah thil pha a hi. Zia gual chu thagau thiangtho dawi lam a hi puai.



No. 28. 28th September, 2012. (Ziltawpni).

Thagau Thiangtho suthase ki un.

Ephesi 4: 30. Math. 12 :31.

Jesu chun, ka hil la hiu, kuale a gitlona leh Pathian a gensiatna zosia chu ngaidam hin tin, himaleh, Thagau Thiangtho gensia chu ngaidam hi puanna. Mihing chapa gensia chu a gensiatna ngaidam hin tin, himaleh, Thagau Thiangtho gensia chu tu damsung leh hun hung um ding inle ngaidam hi puanna, a tia. Chun, sawlchak Paul in Ephesi mite kiang in, Pathian Thagau Thiangtho sulungngai ki un, tatna ni ding ah chun Pathian mi la hinaw chu Thagau Thiangtho in a hun teptesa la hiu hi, a tii.

Pathian thu awi ah, Jesu gingte chu kochuam dan in baptisma a chang ua, kochuam ah min zeknabu ah a min uh zeklut a hi. Kochuam in gingtute min a zeklut zosia hi hukdamna chang ding ah kineppi chiat a hiu hi. School ah chun lekhazil (student) zosia min zeklut a hi. Himaleh. exam zaw ah a pass leh a passlo a hung um ah, a passlote chun a maban uh a sunzawm theipuu ah. Zia gual ah chun, kochuam minlamna bu ah min kiziak zosia chu thagau thiangtho nei leh neilo kikhendanna um in tin, a neilote chun a maban uh chawn theilo ah, kumtuang hinna lut theilo ding a hiu hi. Kumtuang hinna chang dingte chu Pathian Thagau Thiangtho in a teptesa a hiu hi. Khawvel dan in mi, i ngainat ma mate chanchin chu min a gen uh leh i ngai nuam ma ma sek hi. Jesu thagau nei

mi chun Jesu thu hi a ngai nuam ma ma sek ui. Tulai ah Pathian thu chawmcha gente chu miten a pakcha ma ma ua, thugen sawt chu kuaman a ngai nuam tapuu hi. Thagau mite thugen sawt chu mipi chimchak a hia, thagau mite la sak sawt chu mi ningtel a hitai. Thagau mite tuina ningtel ma mate chu tawh Pathian Thagau Thiangtho a kituak puau hi, ti hi ngaitua phat a ngai hi.

Sawlchak Paul leh a lawite chu Mesidonia leh Greek gam a chia zaw un mun dang dang a chuan ua, Troas khua a hung tung ua. A chawlkal khatna ah ni masapen ni ah chun nungzuite tawh an ne khawm in a umkhawm ua. Paul in thu a gen ah, a zing leh chia ding a hi ziak un zankhang tiang hial thu a gen hi. A thugenna ah chun tangval pakhat, Eutyclus (Eutikas), tukvan kiang ah

No. 3. 3rd September, 2012. (Seppat ni).

Thuthunglui ah Thagau thumna changte.

(I. Samuel 10: 5, 6.)

Malai ah Noah hun masang in Pathian in mihingte a kivawppi sek hi. Jared in kum 162 a hi in chapa, Enok a nei ah, kum 962 a hi in a thitai. Enok chunkum 65 a hin in chapa, Methuselah a nei ah, ama chu kum 969 a dam ah, khawvel ah dam sawtpen a hi. Enok chun chapa, Mathuselah a neizaw in Pathian tawh kum 300 a kivawp ua, chanu leh chapa a nei be nalai hi. Enok chu Pathian tawh a kivawp zing lai ua chun Pathian in van lam ah a puito ah, khawvel ah a um tapuai. Enok chu Pathian tawh kum 300 hial kivawp a hiu ah, Pathian chu muchian ma ma inna. Himaleh, Enok in Pathian a mu dan, a kivawp dan uh leh a holimnau thu chu Bible in a kiziak puai.

Joshua thi nung in Israelte chu mapuitu ding mi pha leh gal hat aumlo ziak un a buaitau hi. Himaleh, amau chu a melmateu lak ah hukdawd ding in Pathian in mi hat, mapuitu ding a pe sek hi. Vaihawmtu (mapuitu) mi sawm leh nileh numei pakhat in Israelte ma a pui ua, a nunungpen, Samuel hun in lal daw in

Israelte chu Pathian kiang in a kiphintau. Israelten Pathian kiang ah lal a dawt dawt ziang phat un Pathian in zawlnei Samuel chu a lal ding ua Saul chu sathau nu ding in a sawl hi. Saul leh a suakpa chu a pa sabiltung hawl ding in a chiau hi. Amauteni chun sabiltung chu Ephraim, Shalishah, Shaalim leh Benjamin gam zosia a hawl suak uh leh le a muzo tapuu hi. A tawp in sabiltung umna dawng ding in zawlnei Samuel kiang in a chiatau. Pathian in Samuel chu Saul sathau nu ding in a la genlawksa a hi. Khawpi sung ah zawlnei hawl ding ah a va chiau ah, a va dawt uh leh Samuel tawh a kituak chet ua, Samuel in khawmual ah annek khawmna ah pang ding in a chial ah, an a ne khawm tau. A an nekkhawm zaw un, Samuel in a kiang ah a giak sak hi. A zing ah Saul leh a suakpa chuchia a guat uh leh Samuel in a zui ah khawpi paam in sathau a nutai.

Samuel in Saul kiang in, la chia phat uh leh Benjamin gamgi bul ah, Zelzah mun ah, Rachel thanmual kiang ah, mi pani kituakpi in la tiu in,

amau chun la sabiltung hawl uh chu la chanauten a la mutau hi, la pa chun nanguh a lungkhampi zaw tai, ti thu a la gen innau. Chun, chia pek in la tiu in, Tabor ah gangpi thingbul ah pawsal pathum, Bethel ah Pathian ho ding ah chia kituakpi in lau. Mi pakhat in kelno pathum kai intin, mi pakhat in vaithum pathum puan tin, mi dang pakhat in grape tui, buk khat puanna. Amau chun chibai hun buk in tin uh, vaithum pani hun piannau, a tia. Ziazawchuleh, Pathian tang Gibeah, Philistine sepaite umna tung in la tiu in, zia khawpi chu la tun phat uh leh zawlnei hawn khat, Pathian tang ah kipat hung kum suk kituakpi in lau. Amau chun pekkhuang, khuangneu, lilu leh tingtang hun chaw innau. Amau chun thagau chang in thupuang innau. Ziaphatchuleh, nang le Lalpa Thagau chang in la tin, amau gual in nang le thu puang in la,, la hinna kisang danglam tanna. Zia gual chu la chung ah a hung um phat leh Thagau in a hun sawl gual gual ah la um ziang ding a hi. Pathian Thagau in a hun thuam la hi, a tia. Saul chu Samuel tawh kikhen ding ah chia daw a guat lai tak in Pathian Thagau in a hun thuam ah, Samuel gen gual in Thagau a changtai. Saul chu Gibeah

a tun phat in zawlnei hawn khat tawh a kituak ua, Saul chu Pathian thagau in a thuam ah, zawlnei, thupuangte lak ah chun a pang ah, aman le thu a puang hi.

Zianung ah tha khat zaw in Ammon lal Nahash in Gilead gam ah Jabesh a hun do ah, a sepaite tawh a umkimvel ziang tau. Jabesh ah Israelte chu a lau ua, kichamna a dawn ua, la thunuai in um nang kau, ei that kin, a tiu hi. Himaleh, Nahash, Ammon lal chu Israel mi zosia, a mit changlam chiat uh ka kheldaw piak masaklo leh kichamna ka siam nuam puai, a tia. Zia thu chu Saul umna, Gibeah khaw tiang in a kithang ah, mipi a kap zak tau. Saul, lokai ah kuan, a inn lam hun zuan chun zia thu chu a hiat phat in a lung na ma ma hi. Saul chu lungna leh lungkham tak ah a um lai in Lalpa Thagau in a hun thuam ah, hansanna a hun nei ah, Israel mi zosia ama lam ah pang ding in a chial hi. Israel tangval galdo thei tam tak a kokhawm ah, Ammonte chu a do ah, a zotai. Pathian Thagau in Saul chu a thuam sek ziak in Israelte melmate: Ammonte, Philistinete, Moabte, leh Amalekte a zo ah, Pathian in galhatna a piak ziak in ama thunial ngam kuama a um puai.

Amau lungthim ah thagau in na a sem ah, mangthaite hukdamna huang ah pulut theina ding ah Pathian thu leh Pathian pakna la lungthim ah um zing haw chu thagau in a pawl zing hi, ti hiatna a hi. Bible chang lungthim ah chaam zing ah, a genna ding mun ah gendaw chu Pathian thagau in a mang tei tei sek a hi. La hawi ma ma, lungthim sunggil ah sermon tam tak hung lut zung zung ziang a um tak leh zia la chu thagau a mang ah, thagau lam ah thilhitheina thupi tak in a pang sek hi. Pathian thu hi pulpit khel khel ah gen le a pawimaw zing diak pua, genna ding a kulna mun ah gen ziang ding a hi. Jesu nungzui Philip chu thagau ah a dim ah, Samaria khawpi ah thu a genah, thitha buak, mi sung ah umte haw chu a nawdawk ah, zeng, tawitheilo haw le a sudam hi. Ethiopia mitilge le Jesu chanchin a hilchian ah, kangtalai chung in a pianthak sak ah, baptisma a chan

sak hi. Philip chu Pathian Thagau ah a dim a hi ziak in Pathian Thagau in a dawmmang ah, mi tilge chun a mu tapuai.

Pathian thu hi zil thaw ah hiat theilo a tam zaw a hi. Bible thu hi thuani a hia, a thua khatna chu zil ah hiat thei a hia, Pharisaiten a he ma ma ua, himaleh, Jesu a pawm diak puau ah, a thattau. A thuanina chu thagau ah hiat ding a hi. Jesu chun Nathanael chu a mu phat phat in, en tiam u, Israel mi dik, gitlona neilo saw, a tia. Nathanael chun, bang ti dan ah lei hiat ziang a hem? a tia. Jesu chun Philip in a hunko ma ah, theichang nuai ah, la um lai ah kha ka hun mu, la hitai, a tia. Nathanael chun, Hotupa, Pathian chapa, Israel te lal chu la hi, a tia. Thagau mi chun, Jesu thugen chu a hiat leh a lungthim suvak ina um ah, Jesu chu a hechian ziang hi. Thagau ah dimte chun zaidawna, mi khawtuana, hepina leh ngainatna a nei sek hui.



**No. 27. 27th September, 2012. (Ningani).
Thagau ah dim zing ding a hi.**

Ephesi 5:18, Acts 13: 52.

Paul leh Barnabas chu Pisidia gam ah Antioch khua ah Sabbath ni ahmipi kikhawpna inn ah thu a gen uh leh mipite chun a ngainuam ma ma ua, Sabbath ni kit leh hung gen kit in, ti in a chial ua. Kikhawpna inn ah a pel phat un mipi tam tak in a zuitau. Hapta kit ah Sabbath ni ah a kikhawp kit phat un a khua mipi zosia chu Paul thugen ngai nuam in a hungtau hi. Ziaphatchun, Judahte chun Paul leh Barnabas chu a thangsiau ah, mipite chu a tilsiau hi. Paul leh Barnabas chun Pathian thu chu nanguh, Judahte kiang ah gen masak ding him a hia, himaleh, ka thugen uh la dawilo ziak un kumtuang hinna chang taaklo la hitau. Ziaziakchun, Gentelte kiang lam ah kihei tang kau, a tiu hi. Gentelte chu zia thu chu a hiat phat un a kipak ma mau hi. Judahte chun mi khenkhat a tilsiau ah, Paul leh Barnabas chu Antioch khua kipat in a nawdawktau hi. Himaleh, **Jesu nungzuite chu kipakna leh thagau in a dimtau.** Sawlchak Paul in Ephesi mite kiang in, zukham chu kisum theilona a hia, zukham in um ki un. Umchan phalo ah kisum theilo ah la um sang un **Thagau ah dim in um zaw un,** a tia.

Jesu gingtute kiang ah Penticost ni Thagau thiangtho a hung tun ah khan gingtute chu thagau in a dim ua, ginna tawm ah, lauthawng zing ah umte chu thagau ah dim in ginna det tak a hun nei tau. Jesu hepina leh ngainatna in a dim ua. Amau taksa hinna chung ngei in thagau in na a sem ah, thagau in a pau daw sak gual chiat in a pau ui. Pau danglam tak, pau hiatlo in pau leule, a kihetua chiat ui. Van Pathian hepina thuk zia chu a hun tep ua, Jesu gingtute zosia chu hepina leh kingainatna ah dim in,

lungthim mun khat in a luangkawm tau hi. Pathian hepina chun amau lak in na a hun sem ah, nuam a sa ma mau hi. Kikhen theilo khawp in a umkhawm ua, a nei zosiau a tuakkhawm ua, nekhawm leh dawn khawm in Jesu hepina leh hukdamna thu chu a gen chim thei puau hi.

Thagau ah dim ti hi, thagau chang ah thagau nasem zing tina ngawn a hi pua, Jesu hepina leh a hukdamna thu lungthim ah dimlet zing ah, ginglote kiang ah hukdamna thu gen nawp nei zing ziang a hi.

Saul chu Pathian tel leh thagau mi a hiziak in Israel gam chu kuaman a nuaisia ngam tapuau. Himaleh, zawlnei thu a zui zawm zawlo ziak in a chung ah Pathian a lungdam ta pua, zawlnei Samuel tawh a kithutuaklo

ziak un thagau mapuina a dawng zawm tapuai. A vaihawm sung kum tam maleh buaina tam tak leh vangsiatna a tuak hi. Ahinla, Israelte chung ah kum 40 hial vai a hawm hi.



No. 4. 4th September, 2012. (Sepkit ni).

Pathian chu Thagau a hi.

(John 4:24)

Jesu chun Samari numeinu kiang in, Pathian chu thagau a hi. Ama hote chun thagau leh thu tak ah a ho ding uh a hi, a tia. Bible ah thumal masapen Genesis 1: 1 ah chun, a til in Pathian in van leh lei a siam hi, a tia. Pathian chu bang gual a hi em, bangtik ah um pan a hi em, ti thu chu a kiziak kha puai. Zia chu mihing hiatphaklo leh gen phaklo a hi. Pathian hina, a bul leh bal chu mihingte suangtua phaklo thil a hi. Leichung ah mihing Pathian tawh kivawp masapen chu Adam a hi. Himaleh, Adam hi Pathian chi mihing gual a hi em, a hiloleh vansawlchakte gual a hi em, ti a genna a kiziak kha puai. Adam leh Evi-te nupan in Pathian muchian in hechian leu le mihing suan in a hun sim ding in bangma a la zia puau hi. Chun, Enok chu Pathian tawh kum 300 hial kivawp leule, Pathian mel bang gual a hem, ti ei genna a um puai.

Van ah kipat hung suk, Pathian chapa Jesu ngei in, Pathian chu thagau a hi, ama hote chun thagau leh thu tak ah a ho ding uh a hi, ti in ei hil hi. Zia chu thu dikpen leh thu chianpen a hi.

Mosi hun lai ah khan, Mosi,

Aron, Nadab, Abihu leh Israel upa sawm sagite chun Pathian a va kimupi ua. Pathian kengphek ngakna chu suangmantam, a hawi dan gen theilo, van dum gual a hi, a tiu hi. Zia, Israelte hotu mi 74 te chu Pathian tawh an a ne khawm ua, tui le a dawn khawm ui. Himaleh a mel amu thu uh a kiziak puai. (Exodus 24:10-11). Chun, Israelte chungchang ah Pathian leh Mosi kihona ah chun, Mosi chun, Lalpa lungsiat tak in la lopina ei mu sak in, a tia. Lalpa chun, la mu ding in, la ang in thupi tak in hung pheing ka, ka min le Lalpa a hi zia hun gen ing ka tin, ka hun lungsiatna hun etsak ing ka. Himaleh, ka mel chu mu puan la, mihing in, a damlai in Pathian mel a mu ngai puau hi. Ahinla, ka kiang ah suang chung ah hin ding in la, ka hung pheing tak leh suang kekkal in hun kawi ka tin, ka khut in hun hum ding ka hi. Ka hun pel phat leh ka khut la dawka tin, ka nunglam mu thei in la, a tia. (Exodus 33: 19-23). Himaleh, Mosi chun Pathian nunglam a mu'i, ti a kiziak kha diak puai. Ziakiachun, mihing taksa mit ah Pathian mel mu, khawvel ah mi a um puai.

4th September, 2012.

khawpi, Jerusalem le la ding a hui. Amau kiang ah la kipiaklo leh nang leh insung mite leh la miliante zosia that siksek ding la hui, a tii. Zawlnei chun thil hung tung ding chu pha tak ah a gen zaw phat in a kikhentau.

Babylonten Jerusalem a hun do ua, a zo ua, khawpi sung a luatau. Ziaphatchun, Judah lal, Zedekiah chun zawlnei Jeremiah hilna ngailo in, a inn-sung mite leh a milian zosia tawh a zaammang tau. Babylon lal in Judah lal leh a mite zaammangte thu chu a hiat phat in a sepaite a delzui sak ah, Judah laL, Zedekiah leh a mite chu a man ua, Zedekiah mu ngei in a chate a tha piak ua, ama mit chu a khelkdaw piak ua, mitthum in Babylon lam in sal in a puitau. Pathian Thagau in zawlnei kam ah thu a gen chu a pawmlo zia in gawtna huaisia a tuaktai.

Tulai kochuamte le Pathian thagau in thagau mite kam mang in hil zing maleh Pathian Thagau hilna chu kuama bil in a luttapuau.

Gitlona chi chuam chuam in mi a bengvak deu deu ua, gawtmun lam zuan ah chiate chu a pung tul tul ui. Gawtmun ah tailutlo ding lau in theitawp sua in a pang chiat ui. Aw, unau, nang bek in hinna lam hun zuan in, tia kohei zaw ding mi a tawm ngei! Election ah mi a tam leh candidate pa chu a tin sek gual gual in Kochuam ah mi a tam leh van gam lut ding tam ziang ding gual in min a ngaitau hi. Jesu chunhinna lampi chu a chip ah, a chiate le tawmcha, a hui, a tia. Manthaina lampi chu a lian ah, a chiate le tam tak a hui. Lampi nuam haw ah, bailam tak ah mipi zosia kitawn dup dup theina ah chun hukdamna a tung diam, ngaitua phat a ngai hi. Thagau ga, Bible in a zek haw tawh kochuam lampi chiate haw hi etkaal a ngai hi. Kochuam member pawimaw tak hi ngal ah Pathian Thagau ga kiziakte haw pakhat le neilo chu lal Zedekiah gual ah gawtna tuak ding a hi.



26th September, 2012.

Kochuamte kiang ah thagau ga a la gen hi, thagau thiangtho in a gen sak a hi. Zia thagau ga kiziakte haw hi thagau thiangtho tawh umkhawm theina ding ah umdan leh hindan pha ziltilna a hi. Zia ziltilna zuilo in thagau tawh kivawp zing thei a hi puai. Kochuamte a ding in thagau gate hi ngaikhawk ah, gingtute zosian zia gual ah thil pha chu zui leh zawp chiat ding a hi.

Pathian in Mosi kiang ah thu sawm a la piak kha tawh a kizawm topek a hi. Thu sawm piak zawmlote chu gawt a hia, thagau ga neilote chu gawt ziang a hi puau hi. Ahinla, a tawp leh gawtna chu kibang tho tho ding a hi. Thupil in mi gilote thil bawl leh a vangphatnau ziak in kisulungngai kin, a ti. Tulai in, mi tam tak in Pathian dan ngaikhawkna neilo in amau lawkna ding leh phatchuamna a hawl tau. Diklo tak ah lawtinna, diklo tak ah hausakna, diklo tak ah dinmun sang muna, leh thil diklo tak ah kisuklopina haw chu mi tam tak in a del zung zung tau hi. Mosi hun lai gual ah taksa ah gawtna um zianglo maleh Pathian thagau in a enchian zing hi. Mi tin in a nasep ga chu a kiluak chiat ding a hi. Thagau a ding ah sem phate chu ga pha

luak in tin uh, thagau lam ngaitualote chun gawtna chang ding a hui.

Malai ah, zawlnei Jeremiah dam lai in zia gual hin thil a um hi. Pathian thagau hiatsak in Jeremiah chun Babylon lal in Jerusalem hun do ding a hia, kuale Babylon lal lam ah kipe ziang taphawt chu dam in tin, a sungkuan un thi puannau. Babylon lal kiang ah kipe nuamlo zosia chu galten that in tin uh, a thilo sia chu kial leh hipi in thi ding a hui, a tia. Zia thu chu Judah milian leh vaihawmten a hun hiat phat un Jeremiah chung in a lungnau hi. Zia zawlnei hin mipi a tilsiai, tha ding a hi a tiu. A man ua tuikul sung ah a kheluttau. Zawlnei Jeremiah chu tuikul sung ah a khelut ui, ti thu chu Ethiopia mi, Ebed Melekh, lal inn ah nasemtu chun a hiat phat in Judah lal, Zedekiah kiang in a va gen hi. Judah lal chun mi pathum a sawl ah tuikul ah kipat chun a va lakdaw sak hi. Lal Zedekiah chun Jeremiah kiang in Lalpa'n la kiang ah a thu gen haw chu ei hil in, a tia. Jeremiah chun, hun hil leng ei that in la, a tia. Lal chun hun that puang ka, ei hil in, a tia. Ziaphatchun, zawlnei Jeremiah chun Judah lal kiang in Babylonten Jerusalem hun do ding a hui ah, hun zo in tin uh, la

Lei leh van siamtu Pathian chu a um ngei ah, taksa mihing tam tak kiang in thu a gen hi. Himaleh, kuama Pathian melmu a um kha puai. Pathian chu taksa um a hi puu, thagau ah um a hiziak in taksa mit ah muthei a hi puai. Lei siam til ah kipat Pathian mel mu kuama a umlo ziak in Pathian in lei leh van ah thil lim him him siam in Pathian gual in ho ki un, a ti a hi. Pathian hina chu Pathian chapa Jesu in a genchianpen ah, Jesu gen chu pawm chak kei ding a hi.

Judate hotu, Nikodema chun Jesu kiang in, hotupa, nang chu mi hil ding ah Pathian kiang ah kipat hung la hi. Nang bawl gual teptena haw hi, Pathian piaklo in kuaman bawl thei puanna, a tia. Jesu chun Nikodema chun taksa thu bep a mu thei ah, thagau lam thu mulo a hi ti a hiat ziak in, la pianthaklo leh van gam lut thei puan la, a ti piak hi. Nikodem chun thagau thu a hiat theilo phat in Jesu chun, thigua a hung hang ah,

a git la he thei ah, a thil mutling haw chu la mu thei hi. Himaleh, thigua chu la mu thei puai, thagau thu chu zia gual chu a hi, a tii. Thagau chu muthei hilo, a nasep chu mu thei a hi.

Pathian hina chu Jesu in a sulangpen hi. Jesu chun, Pa chu keima ah aum ah, kei chu Pa ah ka um hi. Pa leh chapa chu pakhat a hi. (John 10:30). Jesu chu mutheilo Pathian melpu a hi. (Kolossa 1:15), II Korinth 4:4, leh Hebrai 1:3). Pathian chu taksa mit ah mutheilo, thagau mit ah mu thei bep a hi. Jesu'n kuale kei ei mu chu pa mu a hi, a ti chu pawm det ding a hi. Thagau thiangtho changte chu Jesu nei a hui ah, Jesu mu le a hui. Zia chu Pathian mu a hi. Kuanle Pathian a ho chun taksa dawi dan gual ah hilo, Pathian Thagau dawi dan gual ah a ho ding a hi. Khristian hinkhua ah chun thagau hindan a thupipen a hi. Pathian Thagau changlo chu Jesu mi a hi puai.



NO. 5.

5th September, 2012. (Nilai ni).

Pathian Thagau chu Thamuantu a hi.

(John 14:16, Rome 8: 9)

Jesu chun a nungzuite kiang in ngai un, Pa thutiam gual in Thagau Thiangtho hun sawl ding ka hi. Himaleh, Thagau thilhitheina ah thuam ah la um masangsiau chu Jerusalem khawpi sung ah hin um zing un, a tia. Ziazaw ah chun a nungzuite chu Olive tang ah, Bethany khaw kiang lam in a puidawk ah, amau chu malzawl na a piak lai in van lam ah lakto in a umtai. (Luke 24: 49-51).

Jesu'n a damlai in a thi ding thu a genzaw in a nungzuite a thamuan ah, keiman Pa kiang ah hun dawt piak ka tin, Pa chun nanguh thamuantu ding hun sawl ding a hi. Pachun thamuantu, Thagau Thiangtho, la kiang ua um zing ding ah hun sawl ding a hi, a tia. Pa thutiam, Jesu'n a gen gual ah chun Thagau Thiangtho chu Penticost ni a hung tung hi. Jesu nungzuite leh Jesu gingte, lau tak ah umte chung ah chun thagau thiangtho chu a hung tungah, hiatna leh hangsannan a hung dim tau hi. Jesu nungzuite chun Jesu chanchin leh hukdamna chanchinpha chu hangsan tak in a gentau. Jesu nungzuite thugin leh kristiante kipumkhatna chu a sudetta. Anne khawm leh pauchap khawm in thagau thuamna chang in nisin lim leh kipak tak in a umkhawm ua, Jesu gingtute chu nisin in a pung deu deu hi.

Jesu nungzuite chun thilmak leh teptena tam tak a bawl ua, mipite chun hukdamna chanlo ding a lau ua, Pathian chapa Jesu gingte chu a hun bel sau sau tau hi. Gingtute chu a umkhawm ua, nei leh lam a thaw khawm ua, a thil nei uh a kikawp ua, lungthim kituak tak in a khawsa khawm ui. A van uh a zuak ua, a paisa tuakkhawm uh chu a pawimaw gual chiat un a hawm sek ui. Lungthim munkhat pu in Biakin ah a kikhawm ui. An a ne khawm ua, kithutuak tak leh lim tak in a umkhawm ui. Pathian pak in, kidawisaktua chiat in a um ui. Lalpa'n amau lak ah pang ding in mi a hun sawl be zing ah, nisin in a pung zing ui. Pathian Thagau in a umpi ziak in a kilungsiattua chiat ua, kingaina leh kipak tak in a um ua, thagau limna thupi tak chang in hinkhaw nuam tak a mang ui.

Thupuan ah, la kisik ah la kisiampthatlo leh la thaumeikawina chu lakpiak ding ka hi, tia thagau ah hatlote hilna thu hi gingtuten ngaitua phat zing a ngai hi. Thagau thilpiak lak ah thil mak tak pakhat chu Jesu min ziak ah thi ding laulona hi a hi. Martyr-te thisan chu hukdamna chanchinpha chi gual a hia, martyr umna taphawt in thagau kochuam a hung um ah, Roman Empire, kiti, Rome sarkar thuneina gam sung lian tak mai pawlam tiang hial in Jesu Kros ah kipat Pathian hepina tui chu khawvel ah nam tin a ding in a luang zak zingtai



No. 26.

26th September, 2012. (Nilaini).

Thagau Thiangtho gate.

Galatia 5: 22.

Sawlchak Paul in thagau in chia leuchin taksa nawpna lam chu zuilo ziang ding la hui. Taksa chun thagau dawidan a dodal sek ah, thagau in taksa dawi lam chu a haw sek hi. La thil bawl guatteu chu zia thil pani kituaklo ziak chun la bawl thei ngai puau hi. Himaleh, thagau pui ah la um ua leh dan nuai ah umlo la hui. Taksa nasep phalo haw chu angkawmte, tatsualte, buaknate, milim honate, dawi mang ah nasepnate, kituaklonate, kichuambawlnate, huatnate, kinaknate, thangsiatnate, leh lungnatnate a hi. Mi ennate, zukhamnate, kinawptelnate, leh tualthanate haw hi a hi. Zia haw zosia chu Pathian huat a hi.

Thagau lam ah gapha haw chu: hepina, kichamna, kipakna, dawtheina, nunnemna, phatna, ginumna, thunuaigawl na leh kisuumtheina haw hi a hi. Thagau lam ah ga pha haw chu dan tawh kituaklo a um puai. Thagau ah hingte chun thagau ah kal a suan ding uh a hi. Mi, kuanle thil a hikhial a hileh thagau mite haw chun a tungdin ding uh a hi. Puakgik kidawntua in Khrist

dan chu zui un. Mi, ama bangma hilo ah kiletsak chu ama leh ama kithem mai mai a hi. Mi zosian ama nasep chu ki-enchian uh hen. Thil pha bawl chimchak ki un. Hun lemchang la nei zosia un mi zosia chung ah thilpha bawl un. Thagau ga, ti hi, gingtute Jesu umdan zui dingah tilna leh hilna a hi. Sawlchak Paul in Galatia

Pathian in Ananias a sawl ah khan le Ananias kha a chia nuam ziang diak puai.

Himaleh, Pathian in a sawl tei tei ah, Saul chanchin a genchian phat in a chia bep a hi. Jesu nungzuite leh Jesu gingte lak ah thagau chang ah Pathian nasem minthangpente chu Peter leh Paul a hiu. Peter leh nungzuite chu damlo a sudam ua, a puan uh nasan in le thilhitheina a nei ah, damlote damna a hi. Sawlchak Paul le thagau mi a hi ziak in thilmak a bawl ah, damlo a sudam sek hi.

Chanchinbu khenkhat kizekna ah chun tarik 19th July, 64 A.D. kum in Jerusalem khua chu a kang hi. Mi khenkhat in a lalpau Nero in mi a hal sak ding in a gingchau hi. Himaleh, Nero chun, Kristiante hal a hi, a tia. Kristiante chu tam tak a man ua, a that ua, a luang uh chu lamlian dung in a tiang ui. Zia hun ah kipat Kristiante sukgentheina chu beilo in a um to zel ah, Peter leh Paul le Rome khawpi ah tha gel gel a hiu, a tiu. Kristiante sukgentheina chu thupi in thawkwawlo himaleh a taizaknau gam tin in Pathian thagau in Kristiante chu a thuam ah, thi ding lau ah taizakte chu Jesu chanchinpha a puangzak malam pek ui.

Mihing in ama hiatna, thiamna, theina, hatna leh a ngaituana ziak hilo ah Pathian thagau in ama chung ah na a hun sep phat leh chu kuaman a helo thei ngai puai. Pau hiatlo le a mangtu numei ahem pawsal a hem chun bang gen a hi em, helo maleh ama chun Pathian in a gen sak a hi, ti chu a hechian ma ma hi. Kuaman, pau hiatlo a kiphuak kawm ngai puai. A phuak kawm a um leh le ama leh Pathian a ding in a phatchuamna um puanna. Pau hiatlo chu a nawp phat phat leh a thaw ziang thei ei puai. Pauchap damthei thagau mi chun le a nawp nawp in damlo a sudam ziang thei diak puai. Pathian thilhitheina a hia, a neitu phallo in kuaman a mang zing thei diak puau.

Pathian pakna la sak thanuam leh nawp sak ma ma hi thagau thilpiak pakhat a hi. Pathian ngai ma ma hi Pathian thagau nasepna a hi. Pathian thagau tawh kipawlkhawmna nuamsa chu thagau mi a hia, Pathian mi a hi. Pathian tawh kipawlkhawmna chimchak pai ziang chu Khrist mi a hi puai. Sawlchak Paul in thagau thilpiak chu nei un, thugenlawk theina chu pau hiatlo sang in a pawimawzawi, a ti a hi

Thagau thilpiak chu mi piangthak zosia nei ding a hi. Talent khat kawlp a gual ah sukpun gawlo ah kawihe ziangte chu a neisun uh le mansua thei a hiu.

Sawlchak Paul in Rome mite kiang ah, nangmau ah Pathian Thagau a chen chun taksa thunuai ah um la hi tapuau ah, thagau ah um la hi zaw tau hi, a ti. Jesu nungzuite leh Jesu gingte chu Pathian thagau a chan phat un thagau thu in a khawsatau ah, taksa dan tam tak a nusiatau. Thagau Thiangtho a chanma ua khan thi ding a lau ua, a hotupau, Jesu chu Rome sepaiten a mat ua, a puimang lai ua khan kuaman a zui ngam puau hi. Amau lak ah hangsanpen Peter in gal gamla tak in a zui hi. Himaleh, Jesu nungzui a hi, kuama a gen ngam puai. Himaleh, Thagau Thiangtho a hung tun phat in launa nei talo in, thi ngam in Jesu thu leh hukdamna chanchinpha gen in, a vak zingtai. Thagau Thiangtho in Jesu nungzuite leh gingtute a hun thuam ah, a chenpi dentai. Jesu nungzuite chu Juda Iskariot gual ah nungtawl ah Jesu nusia pakhat le a um tapuau hi. A lengun Jesu min ah thuak gim ah, a hinnau hukdamna nasepna pedawk chiat in, ginum tak in a pang chiat tau hi. Malai thuanthu ah chun, Jesu nungzui, Thomas chu India gam ah Madras in Pathian thu gen in a hung ah, a thi

den hi, a tiu hi. Thomas hiatzingna chu St. Thomas Tang, Mylapore, Madras in a um zing hi. Zia mun chu tuni tiang in mipi tam tak etnawp a hi zing hi. Chun, John, Thupuan ziaktu hi Rome sorkar in tha a guau ah, khatvei sathau sa lak ah a selut uh leh thilo in a suakcha, a zaw in gu a nek sak uh leh a thi pua, ziazaw ah chun, Patmos thialkal ah kum khat leh tha guk a kawu ua, a thi diak puai, ti in chanchinbu in a kiziak hi.

Khawvel ah thuneituten bang gual in sawi in, that leu le Jesu hukdamna chanchinpha hi pung in zak deu deu ding a hi. Zia chanchinpha nasepna hi dal zawlo in masawn zel zing ding a hi. Wales gam ah thagau mite chun thagau a chang ua, mutawp tang dum khel ah hukdamna ngai ah kiko gi a um hi, a tiu ah, nisin in a kap ua, thagau mangthai hukdamna ding in a pauchap ui. Thi ngam in Jesu nasem ding in tam tak a kuan daww ua, tam tak chu hiatlo gam in a thi dentau. Jesu hukdamna ziak ah martyr-te thisan ziak in khawvel gam tin hukdamna thu chu puanzak a hitai.



6th September 2012, (Ninga Ni).

No. 6.

Pathian Thagau chu Jesu chanchin hiatchian saktu a hi.

(John 15:26.)

Himaleh, thamauntu, Pa ah kipat Thagau dik tak ka hun sawl ding chu a hung tun phat leh ka chanchin kichian tak in hun hiatsak inna. Jesu chun a nungzuite kiang in, khawvel in nanguh a hun huat chun nanguh a huat mau ah keima ei hawtai, ti la hiat diu a hi. Khawvel mi hi leuchin chu khawvel in hun hepi ding a hi. Khawvel mi la hi puau ah, khawvel ah kipat ka huntel daw la hizawu hi. Ziaziakchun khawvel in a hun huat a hi, a tia.

Jesu'n Thagau Thiangtho a hun sawl hi, nungzuite leh ama gingtute thamuan ding leh Jesu a hiatchianna ding ua a hun sawl a hi. Jesu nung kha sun leh zan in kum thum zui maleu le, Jesu chu Pathian chapa dik tak a hi, ti a hechian thei puau hi. Amau chun, Jesu'n Pathian chapa a hina thilhitheina kha mang in a ma do zosia chu chuanden zung zung leh taksang thei ding a hui. Himaleh, Jesu chu Pathian thilhitheina leh hatna sulang ah ama lopina taklang ding ah hung a hi puai. Pathian in a chate chu kumtuang ah mangthai ding ah a dawilo zia ah, mi pha leh mi sia le a laklut thei zosia Pa kiang ah puilut ding ah hung suk a hi zawi. Tha hatna leh lopinan mi lungthim a zo diak pua, hepina leh lungsiatnan mi lungthim a zo zaw a hi.

Khawvel ah gal hat minthangpen chu Germante hotu, Hitler a hia, khawvel ah gam thupi zosia a pankhawm uh leh le a zo puau. Himaleh, hepina leh zaidamna a taksap zia in ama sepai hotu, Generalte ngei le a thu-awilo chu a tha zia leh, gam leh mipi, a thunuai ah umte a sukgenthei zia in, ama ngaina sang ah ama muda mi a hung tamzawtai. Israelte chu a muda zia in simsenlo, numei pawsal, naupang leh nausen natiang a tha zia in, khawvel pumpi huat a hi. A tawp in lungdawng in ama leh ama a kikaplumtai.

Pathian hepina bep hilo, mihing kihapina mai le mi dang in a hiat chian theilo a hi. Pathian hepina nasem ding ah Jesu hung chu a nungzuite natiang

No. 25. 25th September, 2012. (Sepkitni).

Thagau Thiangtho thilpiakte.

I Korinth 12: 14.

Suapite haw, thagau lam thilpiakte chu la hiatlo uh pha ka sa puai. Pathian helo ah gentelte umdan ah la um lai ua khan, milim pau theilo ho in, thil diklo lam ah puimang la hui. Kuaman Pathian thagau ah thugen in Jesu chu hansedawl a hi, a ti thei puai. Thagau thiangtho beplo ngal chun kuaman Jesu chu Lalpa, a ti thei puai, ti ka hun hiatsak la hui hi. Thagau lam thilpiak chuam chuam a um hi. Himaleh, thagau chu pakhat a hi. Thagau nasep dan chua chuam a um hi, himaleh Lalpa chu pakhat bep a um hi. Mi tam tak chung in thagau in na a sem hi. Hiamleh, bangkim semtu chu Lalpa pakhat bep a hi. Mi zosian a phatchuampi theina ding un thagau kilaakna chu mi zosia kiang ah piak a hi.

Mi khenkhat kiang in thagau in pilna a pia, mi dang kiang in hiatna a pia, mi dang kiang in ginna hat a pia, mi dang kiang in damlo sukdam theina a pia, mi dang kiang in thilmak bawl theina a pia, mi dang kiang in thugenlawk theina a pi ai. Mi dang kiang in thagaute hiatchian theina a pi ai. Mi dang kiang in pau chuam chuam a pia, mi dang kiang in pauhiatlo hilchian theina a pi ai. Ziahaw zosia chu Pathian thagau pakhat in pha a sak dan dan ah mite kiang ah, a piak a hi. Thagau thilpiak chu a chuam chuam um maleh a thupi leh a thupilo a um chuam diak puai. Pathian in thagu thilpiak mangtute hinna dungzui ah pha a sak dan dan ah a piak a hi. Mihing taksa ah baak chuam chuam

a um ah, a pawimaw leh a pawimawlo a um chuam diaklo gual in thagau thilpiak chu a pawimaw leh a pawimawlo a um diak puai.

Pathian thagau pawl ah umte chun Jesu hepina leh thawkna a muchian zia un amau gitlona a muchian masapen sek ui. Pathian kiang in Lalpa, mi gilo ka hi, ei ngaidam in, ti in, thase tak in a pauchap sek ui. Pauchap hai theilo, kikhawpna chairmanten a ngakla ma ma sek uh, thil phachuamlo ah ngai ah, pawngnaw ah haisak ziang ding a hi diak puai. Sawlchak Paul kha thagau a chan ah khan ni thum leh zan thum, an leh tui ngawl ah um mai a hia, thagau thu hechian nailote a ding in chu lungkham um tak mai a hi.

ka mui, a tia. Ahabchu a lungna, Mikaiiah chu suangkul in a khum ah, an leh tui chu a thilona ding bep in, pia un la, ka hungkit masia suangkul in a la kawi un, a tia. Zawlnei Mikaiiah chu, a hing ah la hungkit a hileh chu ka kiang ah Pathian in thu genlo hinna, a ti khum hi. Judah leh Israel pangkhawm in Syriate a do ua, Israel lal Ahab chu thal chang in a kap kha, a thitai. Thagau mi, zawlnei Mikaiiah kiang ah a mu sak chu, thagau thugen he chian theilo, lal Ahab in a taksang pua, a thi khawlawtai.

Gingtute thagau chan hi khawvel thagau a hi pua, Pathian thagau a hi. Mihing pilna thugen hilo in thagau thiangtho hilna thu haw chu thagau miten a gen sek uh a hi. Taksa mite chun Pathian thagau chu a he thei puau, amau a ding in ngawlhuai a hi.

Khros thu chu mangthaite a ding

in ngawlhuai a hi. Eihaw hukdamte hi zingte a ding in vang Pathian thilhitheina a hi. (I Korinth 1:18). Thagau mi chun bangkim a hia, ama chu kuaman a he thei puau. Kua hem Lalpa lungthim hia, ama zilti thei ding? Eihawn vang Krist lungthim i pu'u a hi. Pathian thagau chang zosia chu Pathian chate a hiu hi. Sawlchak Paul in Rome mite kiang in taksa dawidan ngaituana chu thina a hia, thagau lam ngaituana chu hinna leh lungmuanna a hi. Taksa lam dawidan ngaituana chu Pathian tawh kidona a hi. Taksa lam ngaituana chu Pathian dan ah umlo a hia, um le a um thei puai. Ziakiachun, taksa dan ah umte chun Pathian a sukupak thei puau hi. Nanghaw vang taksa ah um la hi tapuau ah, thagau ah um la hi zawk tak ziak un nangmau ah chun Pathian thagau a cheng hi. **Kuale Khrist Thagau neilo chun ama mi a hi puai.** (Rom 8:6-9)



in a hethiam ngai puau. Jesu khawvel ah a hung ah, mi gentheite, mi chagate, mi gilote leh mi nuainungte lak ah Pathian hepina thu a ha genpen ziak in mipi tam tak in ngai khawlaw maleu, mi tam tak taksanlo leh muda a hi.

Himaleh, Thagau Thiangtho a hung tun phat in Pathian hepina, Jesu thawkna leh thisan ah kipat kam ah gen theilo hepina hung kilang chun lei leh van a thawng hi. Gingtute thagau hinna a sun hi. Kuaman, til in, nawlo leh le, Jesu nungzuite chu Jesu gual ah thi ngam in Hukdamna chanchipha thu puang ah, a na sem in a kipumpiaktau. Jesun, Thagau Thiangtho a hung tun phat leh ka chanchin hun hilchian inna, a ti hi, thu thuk tak a hi. Jesu chu Pathian melpu, Pathian chapa dik tak, lei leh van ah thilhitheina nei a hi. Himaleh, ama a hung chu mi gilo mangthai, kumtuang gawtna lut dingte hukdawk ah hung a hi ziak in a nasep chu hepina ah hukdamna bep a hi. A pian ah kipat a thi chan ah, thunuaigawl, zaidam, mi lungsiat thei, mithina kap ah mitthi luang ah thasia, leh hepina dim a hi.

La phuaktu'n, **“Ei tanpa hechian tang ka,.....A mel dawium ka kipaknapen hinna.**

Ei tanpa ang ah ka din phat leh he chian tang ka. A khut, thik kheddena liam chu” a tii. Saul kiang ah kilaakna ah chun Jesun, Saul, bang a tia, lei sukgenthei a hem? a tia. Saul chun Lalpa kua la hem ah tia. Jesu chun, keima, lei sukgenthei ka hi. Nang a ding ah ka thawkna thik zum hi a na ma ma hi, a tia. Zia ni kipat ah chun Jesu a muchian ah, a hechian ah, Jesu a ding bep in a hinna a mang tai. Jesu hia, ti hi, bil leh thuak ah hiat bep a hi pua, a hinna thagau in a hiat ding a hi.

Sawlchak Paul in ama hinna ngei ah a thil hiatchian thu Korinth kochuamte kiang in a gen hi: **“Ama chun Thuthung Thak nasem thei ding in ei siam hi. Lekhazek thu ah nasem ding hilo in thagau ah nasem ding ah ei sawl a hi. Lekhazek in a that ah, himaleh thagau in hinna a piai”**, a ti a hi.

Jesu thagau ah hechianta chun a nusia ngai puau hi. Min, keima ziak ah a nu, a pa, a zi leh chate leh a suapite a nutsia ngamlo leh ka mi hi taak ei puai, a ti hin thil tam tak a etsak hi. Jesu na la sepna la nu, la pa, la zi leh chate leh la suapiteu in a hun dal leh Jesu lam in pang det in tina, a hi.



No. 7. 7th September, 2012. (Ziltawp ni).

Pathian Thagau chu Jesu thugente hiatchian saktu a hi.

(John 14: 26)

Thamuantu, Thagau Thiangtho chu Pa'n ka min in la kiang ua hun sawl in tin, ama chun bangkim hun hil intin, la kiang ua thu ka gen zosia haw kha hun hiat sak ding a hi. Jesu chun a nungzuite kiang in Van ah kipat khawvel ah mihingte hukdam ding ah a hungna ziak hi gen dan tam tak in a gen hi. Jesu thu ngai nuam tak takte bep in a hiat ding ua hawi tak leh tekhinthu in a gen sek hi. A nungzuiten Jesu thugen ngainuam ma ma leu le, bang etsakna a gen a hi em, ti a hiatchianlo uh thu tam tak a um hi.

Khawvel chanchin ah lekhabu dang chu a pau i hiat phawt leh khatvei, nivei i sim suak leh hetchian thei a hi. Himaleh, Bible leh Jesu thugen haw hi bangzat vei sim nawn le hin le hiatchian theilo a tam zing hi. Ziachu, bang ziak a hem? Pathian thu chu thagau thu a hia, taksa gam ah thil umlo, thagau gam ah um tam tak a um ah, taksa thil ah kipat ngaitua ah hiatchian gawte a ding in thil haksa leh thil hitheilo a hi. Sadukaite chu Israel sakhua zui himaleu, mithi thawkitna a gingcha puau. Khawvel thil ah thil dik leh diklo a hiat khen thei khel ua, thagau gam chanchin chu a ginchaklo ziang uh a hi. Ziaziakchun, Jesu kiang in thu pakhat a dawng ua. Unau pawsal sagi a um ua, a upapen in zi a nei ah, cha nei manlo in a zi a thi san ah, ama thi

zaw in a naupa, a sang in a zi chu a lua ah, ama chun le cha neilo in a zi chu a thi san kit hi. Zia gual chun unau pawsal sagi chu numei pakhat, a ban ban in zi ah nei in a kitha suak ua. A tawp in cha neilo in a thisan suaktau. Van gam tak leh kuapen zi a hi ta diam? ti in, Jesu a dawng ui. Jesu chun, van gam ah chun numei pawsal a um pua, zi nei leh pawsal nei le a um puai, a tii. Sadukaite chun, a hi ngut chulah, tia, Jesu gen chu taksan ding gawlo in, a nial theilo phat un a mawk nutsia tau.

Jesu nungzuiten chu a hotupau chu a gingcha ma mau hi. Himaleh, Jesu thugen tam tak a hethiam thei puau. Himaleh, Thagau Thiangtho a hung tun phat in a lungthim uh leh a ngaituanau chu a hung kihawng ah, mihing pau ah thagau thu kigen haw

thunuaigawl tak ah thuak ah thi ding a hi, ti thu a zekna a sim ah, a ngaina a he him him puai. Pathian thagau in thagau mi, Philip a sawl ah, a hilchian sak phat in a hechian ah, baptisma a changtai.

Damaska khaw kiang ah Saul in kilaakna a mu ah khan, ama chun van lam ah vaak in a hun khaw chu kichian tak in a mu, aw chu le kichian tak in a hiai. Himaleh, a kiang ah mi dang umte haw khan Saul thil mu leh hiat chu a hiat phakpi him him puau hi. Zia ni leh zia hun ah kipat ah chun sawlchak Paul chun Jesu a muchianta, mi chuam kei a hung hitai. Paul hi Asia minor gam ah Greekte khua, Rome gam sung ah Tarsas khua piang a hia, Rome gam mi a hi. Greekte gam ah piang himaleh Hebrai pau thiam ma ma a hi. Nam lam ah Hebrai mi diktak, lekhasimna lam ah khawvel ah mipil Greekte lak ah lekhasim a hi. Judah sakhaw ngai pawimaw mi a hi ziak in kum 13 vel mi a hi in Jerusalem ah Gamaliel nuai ah Pharisaite dan a va zil ah, Pharisaite dan zil thiam mi a hi. Roman citizenship nei ahia, Greek mipilte chawndan ah chawn, mipilte chawn dan ah chawn a hia, sakhua chu Hebrai sakhaw zui a hi. Judahte chun a Biakin ua Jesu thu ziltitna a la neilo ziak un,

Jesu chanchinpha chu Judahte sakhaw dan ah hilleh ziltitna a la um puai. Zawlneite genlawkna thu chu a guitungtai, ti ziltitna le a um diaklo ziak in Paul chu Jesu Krist chu a la pawm puai. Himaleh, Damaska khaw kiang ah, kilaakna chun van lam thil leh thagau thil a musak ziak in, thagau thu chu a hechiantai.

Malai ah Judahte lal, Jehoshphat a dam lai in Israelte lal chu Ahab a hi. Israel lal, Ahab chun Gilead ah Ramoth gam chuei uh gam a hia, Syriaten ei lakpiak uh a hi. Syriate chu do hi tiu in, lakpiak kit hi tiu, a tia. Ama panpi ding in Judah lal Jehoshaphat chu a chial hi. Syriate do ding in a kiholemtau hi. Himaleh, Judah lal, Jehoshaphat chun thiampute dawng masa'i tiu, a tia. Israel lal, Ahab chun thiampu 400 hial ka dawngzo tai. Va do leuchin zo in lau, ei tiu hi, a tia. Himaleh, Jehoshaphat chun dawt ding thiampu dang umlo a hem? a tia. Ahab chun, Mikaiyah a um ah, himaleh, ama hin ka phatna ding thu a gen ngai pua, ka dawng nuam puai, a tia. Jehoshaphat chun, ama chu dawng mawng mawng hiti, a tia. Pathian zawlnei diktak, Mikaiyah chu a dawt ua leh ama chun, Israelte chu belum hawna chingtu (lal) umlo ah taizak,

No. 24.**24th September, 2012. (Seppatni).****Taksa mite chu Thagau thiangtho neilo a hiu.**

John 3: 5, I Korinth 2: 14.

Jesu chun, kuale tui leh thagau ah a pianthaklo leh Pathian gam lut thei puanna. Taksa ah piang chu taksa a hia, thagau ah piang chu thagau a hi, a tia. Himaleh, taksa mite chun Pathian thagau nasep a mu thei puau ah, amau a ding in thil ngawluhai a hi. Judahte hotu, Nikodemas chun Jesu kiang in, hotupa, nang hi Pathian kiang ah kipat mihil ding ah hung la hi, ti ka hiau. La thilmak bawl gual hi Pathian ah kipat lo chun kuaman bawl thei puanna, a tia. Jesu chun kuale a pianthaklo chun Pathian gam mu thei puanna, a tia. Nikodemas in mi a tek nung in bangti pianthak thei ding a hem? a tia. Jesu chun, titakzet in ka hil la hi, kuale tui leh thagau ah a pianthaklo chun Pathian gam ah lut thei puanna. Thagau chu thigua gual a hia, a nasep muthei a hia, thagau chu muthei a hi puai. Thagau ah piangthak chu zia gual chu a hi, a tia. Thagau thu chu thagau ah hiat ding a hi zia in, thagau milo chun a he thei him him puau hi. Mit hatlo chun a mitval a bulo leh lekhamal a mu thei pua, mitval a bu tak leh chu a muchian thei hi. Zia gual ah chun Pathian thu chu thagau lam thu a hi zia in taksa mit ah mu theilo, taksa bil ah hiatchiantheilo leh taksa ngaituana mai ah chun muchian theilo thil a hi. Thagau mi chu Pathian thagau in a mu sak, hiatsak leh a hil zia in a he thei hi. Himaleh, taksa mi chun a mu thei puai.

Jesu chun Nikodemas kiang in Judahte hotu la hia, zia thil ka hun gen hi la he thei puai. Lei thil ka hun hil hi la hiat theilo leh van thil hun gen leng bangti hiat ding la hem? a tia. Kuama van ah a kal kha puai. Mihing chapa, van ah kipat hung suk bep chu van leh lei kawmtua kha a hi, a tia. Taksa thil ah Bible sim tam leh Chanchinpha thu hiat bep chu a huntawk pua, thagau in a gen

nawppen chu hiat ah zawp ding a hi. Thagau panpinalo in Pathian thu chu mihingte chung in a tung tak tak thei ngai puai. Nikodemas hin Judah sakhaw dan ah lekhabu thu um haw chu a sim tam ah, hiat le a he ma ma hi. Himaleh, Pathian thu chu thagau in a hiatchian saklo leh a pawlawng lam bep mu thei leh hiat thei a hi. Ethiopia mitilge chun zawlnei Isaiah in Jesu chun mi thu niallo hial ah,

24th September, 2012.

chu ahun hechian thei tau. Mosi khan Israelte zui ding in thu pawimaw tak tak sawm khat a pia, zia chu thu sawm piak, a kiti. Pharisaite lak ah dan thiam ma ma mi pakhat in Jesu kiang ah, Hotupa, Mosi dan lak ah khawipen hi a thupipen diam? ti in a dawng ah. Jesu chun, zia thu sawm piak chu a ban in a gen nawn kitlo in, Lalpa la Pathian chu la lungthim zosia, la thagau zosia leh la ngaituana zosia in la hepi ding a hi, ti hi thupiak masapen leh a thupipen a hi. A panina ah chun, la inn vengte chu nangma la kihepi gual in la hepi ding a hi. Zia thupiak panite hin thupiak dang zosia chu a khaikhawm hi, tin a dawnhu hi. Pharisaite chun Jesu thugen chu a nial thei puau ah, a taksang diak puau ah, ama chu Pathian chapa a hi, ti le a pawm nuam diak puai. Hiata hi taksanna leh zawp nawpna in a zuilo leh hiatna ngawn chu hinna a hi diak puai.

Pharisaiten Jesu chu Pathian chapa a hileh hilo etchianna ding in thu haksa a dawng zing ua, amau hiat phaklo thil a genchian piak zing hi. Himaleh, amau chu Jesu thu zui leh zawp a nuam diak puau.

Hiatna bepcha, zawp nawpna panglo chu thagau daitui in a chap nawmlo gual mai a hi. Jesu thugen chu ama damlai ah mi tam tak: Pharisaite, Sadukaite, mipite, damlo tam tak a sukdamte chun a limpi ma ma ui.

Pharisaite chun Jesu kiang in, bang a tia, la nungzuiten Judahte chawndan bawtsia a hiu em? Bangti dan ah khutsawplo ah an ne sek a hiu em? A tiu. Jesu chun a dawnhu ah, bangti dan ah Judahte chawndan zui ah Pathian thu sawm piak bawtsia la hiu em? Thu sawm piak ah chun Pathian in la nu leh la pa la za ding uh a hi. Kuale nu leh pa zalo chu tha ding a hi, a ti. Himaleh, nanguh Judahte chun kuanle a nu leh a pa kiang ah, ka tha la nek ding gun uh chu Pathian kiang ah ka latdaw a hitai, a ti leh, a nu leh a pa chu a za a ngai tapuai, la tiu hi. Ziachu Pathian thupiak bawtsiatna a hi, a tia. Himaleh, Pharisaite chun Jesu thugen ah kipat a chawndan uh diklo chu siamphat a gaw diak puai. Jesu ziltinla hiat leh pawm theina ding in Thagau Thiangtho chan a ngai hi. Pathian Thagaulo in kuaman Jesu chu Pathian chapa a hi a ti thei puai.

*7th September, 2012.*

No. 8. 8th September, 2012. (Kigin ni).

Pathian Thagau chu gitlo hiatsaktu a hi.

(John 16: 8)

Thagau Thiangtho chu a hung tun phat leh khawvel ah mihingte سوالنا hun hiatsak in tin, dikna thu hun hil in tin, Pathian vaihawmna hun hiatsak ding a hi. Pathian thagau in سوال bawllong ding a ti bawlte chu a muchian sek hi. Israelten Ai khua a do lai un Pathian in bangma la laklo ding, gallak thil zosia chu la suksiat siksek ding uh a hi, ti in thu a piai. Himaleh, zia thu chu a zawmlo a um ziak in Ai khua do ah kuante chu a galteu chu a zo tapuau ah, a hung zammangtau. Joshua chu Pathian kiang in a pauchap ah, Pathian in سوال bawl la um ziak uh a hi, ti a gen hi. Zia chu a hawl ua leh, Akan (Akar) in gallak lak ah Babylon puanakchual hawi tak pakhat, dangka thik kilogram nileh sana, kilogram kimkhat a mu, a la, kiselguk ziak a hi. Ama chu a that ua, Ai khua chu a zo thei tau hi. Pathian thagau in mihingte gitlona a mu thei ma ma hi.

Penticost ni ah chun Peter chu Thagau Thiangtho in a thuam ah, Thagau Thiangtho hung tun ding zawlnei genlawk thute, Jesu, Pathian chapa, Judahten a dawilo uh, a tha thu`u, leh Jesu thawkitna thute a gen leh mipite lungthim chu mawlzum ah sut gual in a hung natai. Amau haw chun nungzuite kiang in, bangti ding ka hi tau em? A tiu hi. Peter in la lungthim uh saang un la, Jesu min in baptisma chang leu chin, la gitlonau ngaidam hin tin, Thagau Thiangtho thilpiak chang thei in lau, Lalpa thutiam chu mi zosia a ding a hi, a tia. Peter thugen taksang mite chu

baptisma a chang ua, mi 3000 hial chun Jesu a hun gingtau. Amau lak ah mi tam tak in inn leh gam a hau ua. A inn uh leh gam haw chu a zuak ua, nungzuite kiang in thawlawm in a hun chawi sek ui. Levi mi, Joseph in le a gam a zuak ah, nungzuite kiang ah thawlawm in a hun piai. Amau lak ah mi, Ananias leh a zi Sapphira in le a nei leh lam uh a hun zuak ua. A sum chu khenkhat amau a ding in a kawidawk ua, a dang chu nungzuite kiang in a hun chawi ui. Peter in a thilbawl uh diklo chu a hia. La thil nei uh chu la zawk ma un le nanguh a a hia, la zawkzaw nung un

Palina ah chun Thiatira kochuamte chu phatna tam tak nei maleu, milim hona leh thanhuaina a zakdalo ziak un a dem hi. Pangana chu Sardis kochuamte thutaklo zia a mu, mi tawmcha, Pathian mit-tung a um bep ui, ti thu a gen hi. Pagukna ah chun Philadelphia kochuamte kiang in hung vak ziang ding ka hi, la thil neisa kha vawp phan, a zo tapo chu ka Pathian inn ah pawimawpen in pansak ding ka hi, a ti. A sagina ah chun Laodisia kochuam kiang ah chun vawtlah vawtlo, lumlah lumlo la hi, mi chaga hingal ah kihausaksak la hi, zuau thu mang ah thil dik mutheilo la hi, ka kiang ah mitna damdawi hung kilak in. Ka aw hia ei ngaikhawk chu umpi ing ka, a tii.

Kochuam hi thagau kochuam a hia, taksa ngawn ah vaihawmna a hi puai. La kochuam dinmun chu Pathian ang in bang gual a hi diam, ngaitua zing in.

Tulai kochuam chu Laodisia kochuam gual ngawn a hita, takna neilo, kochuam tena chu taksa thil ngawn a hi. Lo chu bukung bep ah te ah, a ga ah telo le hin telo tawh kibang ding a hi. Kochuamte thiltup chu Thgau hukdamna a hia, taksa ah telo ah Thagau ah te ding a hi. Thagau Thiangtho tena in kochuam bang gual a hi diam? ti ngaitua phat ten a ngai hi. Kristiante lak ah thagau in thugil tak tak a puang sek hi. Thagau in Pathian thugentute chiana ding a phallona leh a sawlna a um sek hi. Paul leh a lawite chun Phrigia gam leh Galatia gam a chuan suak zaw ua Asia gam ah lut ding, a tiu leh thagau in a phal puai. (Acts 16:6) Pathian in Asia gam ah chanchinpha genlo ding a tina, a hi pua, zia hun ah chu Paul leh a lawite chia ding lem a saklo thu a hi.



Sawlchakte nasep lekhabu ah a kimu gual in zia hun ah kochuam umna khua leh gam haw chu zia haw hi a hi. Asia minor gam ah Pisidia leh Phrygia kikal ah um, Antiok Kochuam, Asia gam kochuam, Mesopotamia gam ah Babylon kochuam, Mediteranean tuipi paam ah Rome sawrkar in khawpi lian tak a siam, Kaisaria kochuam, Korinth khaw sak lam ah lawngchawl na khawpi, Kenkria (Cenchrea) kochuam, Rome gam sung ah Greekte khawpi, Korinth kochuam, Romte Pathian Diana hona khawpi, Ephesi khaw kochuam, Asia minor gam ah Galatia kochuam, Judahte khawpi, Jerusalem kochuam, Persia gam ah Judia khaw kochuam, Asia minor gam ah Laodisia (Laodicea hi Laodikei tia lam ding ei pua, Laodisia ti ah lam ding a hi) kochuam, Greek gam ah Masidonia kochuam, Asia minor gam ah Pergamos kochuam, Asia minor gam ah Philadelphia kochuam, Greek gam ah Philipi kochuam, Italy gam ah khawpi lianpen, Rome kochuam, Lydia gam ah Sardis kochuam, Asia minor gam ah Smirna (Smyrna) kochuam, Asia gam ah Thiatira (Thyatira) kochuam (Thuatir tilo ding), leh Greek gam ah Thesolonika kochuam a um tau hi.

Zia hun ah kochuam tamzaw chu Judah leh Samaria gam pawlam ngawn ah um, gentel mi a hi zia un Judahte dan zui chu thil pawimaw a hipuau, ti in Pathian Thagau Thiangtho in a hiatsak hi. Zia, zekten leh Judah dan zui chu kochuamte a ding ah thil pawimaw a hi pua, kochuam hotuten a phutlo ding uh a hi ti a hiatsak hi. Peter chu gentel mi, Kornalia leh a chanaute lak ah thu gen ding ah a ko lai ah khan thagau in Judah dan ah thiang leh thiangolo thu kha gentelte lak ah thil pawimaw ei puai, ti le a la muchian saksa a la hitai.

Thupun bung nina leh bung thumna ah kochuam sagite a ding in thagau in thu a puang hi. Pakhatna in Ephesa kochuamte kiang in, la hepina masa kha la nusiatai. La lung la hei ah, la kisiampfatlo leh la lak ua thagau nasepna chu lamang ding ka hi, ti in a vau hi. Panina ah chun Smirna kochuam chu a pakcha, thi tiang ah ginum ah um ding in a til hi. Pathumna ah chun Pergamos kochuamte kiang in la ginum zia ka hia, himaleh milim hona leh thanhuaina la lak ua a um zia in, la kisiampfatlo ua leh hun gawt ding ka hi, a tii.

le nanguh a a hi. Bang a tia, zuau gen ah, zia zat bep hi ka khawt uh a hi la tiu a hem? a tia. Peter in a vau zia in a nupan un a thitau hi. Pathian thagau in zuauthei gen chu a zada ma ma hi. Peter in hansia a law khum zia in a thi mai uh a hi. Gingtu, Kochuamte lak ah zuauthei leh diklona tam tak hi Pathian in a mu zing a hi. Taksa thi zianglo maleu thagau gam ah chu gawtna a tuak ding ua tepte hi ding a hiu hi.

Pharisai mi pakhat inn ah Jesu chu an ne ding a hi ti, numei gitlona nei pakhat in a hia, Jesu kiang in a hung hi. Sathau gimtui, Alabastar buk khat a hun chaw ah, Jesu nung in a ding ah, a keng chu a mitthitui in a sil ah, a sam in a thiak ah, a keng a chawp ah, sathau gimtui chu a nu hi. Anne ding ah chialpa, Pharisai pa chun a mu phat in, ziapa hi zawlnei hileh chu numeinu, a ma zut zut nu hi bang gual mi a hi he ding a hia, ti in a lungthim in a ngaitua hi. Ziaphatchun, Jesu chun, a inn-neipa, Simon kiang in, la kiang ah gen nawp khat ka nei hi, a tia. Ama chun, hotupa, gen in, a tia. Jesu chun, mi pakhat paisa chu mi pani in a ba' u ah, pakhat in cheng za nga a ba, a pakhat zawk chun cheng sawmnga a bai. A pani un a bat uh chu a ditzo paw gel gel ui.

A paisa batna-pau chu mi pha a hi zia in a pani un a ngaidam gel geltai. Ei gen tia, kua zawk chu a bat uh ngaidampa chung ah chun a kipakzaw diam uh? a tia. Simon chun, a ba tamzawpa chu kipak zawnna, a tia. Jesu chun, la gen dik hi. Jesu chun numeinu lam chu a nga, zia numei hi en tia. La inn ah ka hung lut leh ka keng silna ding tui lei pe pua, aman a mithitui in ka keng a sil ah, a sam in a thiaknam hi. Nangman lei chawp pua, ama hin ka hung ah kipat in tutiang in ka keng a chawp hi. Nang in ka luchang sathau la nu pua, ama in ka kengphek sathau gimtui ei nu piak hi. Ziakiakchun, a gitlona tam tak ngaidam a hitai, ama chu ei hepi ma ma hi. Kuale gitlona tawmcha ngaidam a hi chun kipakna le a nei tawm hi. Numei kiang in, la gitlona ngaidam a hi tai, a tia.

Zia nu chanchin chu chanchinpha kigena zosia ah gen zing a hi. Khawvel ah Revival umna zosia ah, thil tung masapen chu gitlo kisik ah Pathian kiang ah ngaidam dawtna a hi sek hi. Kum 1904 in Wales gam ah limna thupi tak a um ah, Evan Roberts in Jesu hukdamna thu leh soal simna thu nasa tak ah a gen leh mipi chu mitthi pawt in Pathian kiang in a ki lan ua, thagau mangthaite lungsiatna thupi tak a hung um hi.

England gam ah Keswick Convention chu kum 1907 in a um ah, zia chu limna thupi tak a um ah, mipite gitlo ngaidam dawtna chu a nasa ma ma hi. Ziatak ah Thagau nasepna ah chun Watkin Roberts lungthim in Thagau ah mawpuakna a hung um hi. Kuama sawl leh chawp hilo in, ama paisa kipuak in Aizawl in a hung ah, kum 1910 ah Manipur ah chanchinpha pawluttu a hi. Gitlona kihia, Jesu kiang ah gitlo kisik ah ngaidam dawnte hukdam ding in Jesu hung a hi. Zia chu Thagau Thiangtho nasep thupipen a hi.



tizat um tak mai a hi. Sawlchak Paul chun suak gual ah lau takah um ding ah thagau chang la hi puau. Cha hina thagau la chang ua, Thagau chun, He Pa, ti in a hun kikodaw sak a hi, a ti. (**Rome 8:15**). Pa leh cha kihiachianna chu Pathian lekhabu bep sim a hi pua, thagau ah kihotuanna a kizawp ding a hizawi.



No. 23. 23rd September, 2012. (Pathian ni).

Thagau in Kochuam thu pawimaw a puang hi.

(Acts 15:28).

Zia a nuai ah ka hun zek uh tilo hi chu la chung ua puakgik kawilo ding in Thagau Thiangtho leh keiun pha ka sau hi. Thagau in zawlneite kam ah a la genlawk haw kha a dik ngei hi, ti keiun ka pawm det ua, nangun le zia thu kigenlawk haw chu zingkal ah khawvak ma ah, zingsawl khawthimsalvaktu gual ah ngai in, la lungthim sung uh salvakna ding in mang leuchin pha ka sau hi. (**II Peter 1:19**)

Thagau Thiangtho nasepna zia ah Jesu gingte sang tam tak a hung pun be phat un Judah mi hilo, Jesu gingtu a hung tam ma ma tau hi. Zektan leh Judah sakhaw dan ngai pawimaw miten gentelte a musit zia un, Jesu nungzuite chun Pathian Thagau dawng kawm in, kochuam kivaipuak ding dan a ngaituau hi. Judah mi, Judah dan ngai pawimaw haw chun gentel mi kristian ah hung lut haw chun zek a tan ding uh leh Judah dan a zawp ding uh a hi, a tiu hi. Himaleh, nungzuite chun gentelten zek a tan uh a ngai pua, kristiante bawl ding ah thil kilawmlo haw bep

a bawlo uh pha a sak zia un Kochuam hotute vaihawmna chu gentel gingtute zui ding thu a puangtau hi. Nungzuite chun, gentel gingtute chu milim hona nek leh dawn in kisuum uh henla, numei lak in kisuthiangtho leu a hun ziang hi, ti in, thagau lemsakna a puangtau. Judah leh Israel gam bep hilo in gam chuam chuam leh mun chuam chuam ah kochuam tam tak leh Judah mi hilo, gentel mi kochuam mi a tam phat un thagau in a ngai pawimawlo, Judah sakhaw dan tangpi haw chu gentelte chung in a phut nuam tapuau hi.

Pathian chu Thagau a hia, Jesu le Thagau mi, a hi. Pathian leh a mite hiatchianna chu Pathian Thagau bep in a hechian thei hi. Peter chu Jesu hechian ah ngai hilehle, a hiatna a huitung diak pua, thagau thuamna panglo in chu thi theina mun in Jesu a nusiatai. Jesu Judah sepaiten a mat lai ua khan chu Jesu tawh kivawp kha la hiu tia, min a dawt uh leh le Jesu chu ka he kha puai, ti mai a hi. Ahinla, Penticost ni ah kipat thagau in a thuam nung in chu khatvei le a lau ta puai. Thagau Thiangtho panpinalo in kuaman Pathian leh Jesu a hiachian thei puai. Bible ah Pathian mel mukha a la kiziak puai. Mosi khan Pathian kiang in la melei mu sak in, a tia. Pathian in a nunglam bep mu thei ding in a gen piak hi. Himaleh, Mosi chun Pathian nunglam a mu'i, ti le Bible ah a kiziaklo ziak in genchian thei a hi diak puai. Ziaziakchun, Pathian hiatna chu Pathian kiang ah kipat hung suk, Jesu leh Pathian Thagau bepcha a hiu.

Israelte chu khawvel ah mi zosian Pathian dawichuam leh tel chuamte a hiu, ti maleule, amau chun tuni tiang in Jesu chu Pathian chapa a hi, ti a gingcha nai puauhi. Kristian le a hi nuam puau hi. Judaism, Judah sakhua a zui ua, Jesu pawmloa hiu. Israelte gam hi Kristian gam ei puai. Judah gam ah chenna ah, Judah sakhua

ho ah, kumtuang hinna mu ding kinem in Mizoram, Manipur, Nagaland leh Assam gam tiang ah mi tam tak Israel gam in a pemtau hi. Jesu gingchalo ah Judah sakhua gingchak hi hukdamna ei puai. Hukdamna thu chu Sawlchak Paul in Rome mite kiang ah kichian tak in a la genchian zotai. Tutiang hinle Judahte chun Jesu a pawm nuam diak puau hi. Kochuam ah Jesu mi leh Jesu mi hilote kikhendanna chu Thagau Thiangtho a hi. Pathian Thagau Thiangtho leh a nasep pawmlo chu Jesu pawmlo a hi.

Israelte hi England, America leh gam tam tak in Pathian nam telte a hiu, tia a ngainat diak uh a hi. Himaleh, Israelte hi Jesu taksanglo nam leh gam a hiu hi. Israel gam, Jesu pawmlo gam ah mi tam tak a pemplut uh hi thagau lam ah lungkham um tak mai a hi. A damsung niu, a tamzaw ah Jesu ging ah baptisma chang ah, Jesu min ah pauchap zingte nasan le Judah gam ah sum leh pai tam ziak leh khawsak changkanna ding ngaitua in mi tam tak a pem luttaw hi. Jesu chu Pathian chapa a hi pua, zawlnei pakhat gual bep a hi, ti ziltilna pawma ah hinkhua va mat mai chu hukdamna thu ah chun thil

No. 9.**9th September, 2012. (Pathian ni).****Pathian Thagau chu puitu leh thupuangtu a hi.**

(Matthai 10: 20, John 16:13).

La thu gen ding uh chu nanguh gen ngai puan tin, la Pau Thagau in hun gen piak zaw ding a hi. Jesun a nungzuite kiang ah, ngei hawn lak ah belam gual ah ka hun sawl la hiu hi. Gul gual ah pilvang in um un la, vakhu gual in kuama bangma suse ki un. Keima ziak ah vaihawmte leh thuneitute kiang ah a hun pui tak uh leh bang ka gen in, bang gual in ka um diam, ti in lungkham ki un. La pau Thagau in hun hiat sak in tin, la gen ding uh chu thagau in hun hil ding a hi, a tia. Thagau Thiangtho hung tun ma khan, Jesu a mat lai ua khan Peter in va zui maleh, Jesu nungzui ahi, mi hiat ding a lau hi. Nangle Galilee gam mi la hi, Jesu nungzuite lak ah pang la hi, tia, nungak khat in a dawt leh, la thu gen chu ka he kha puai, a tia. Jesu a kilepsan hi. Himaleh, Penticost ni a hung tun nung ah khan launa neilo in Jesu a ding in a pang ngam tai.

Peter leh John chu nitak lam dak thum vel in Biakin ah a chiau ah. Pawsal pakhat, a pian lim ah kipat kengbai, khutdaw in a la um ah. Peter leh John chun ama kiang ah chun, ei en in, a tiu. Ama chun paisa ei pe ding hinna, tia kinem tak in a en ah. Himaleh, amau chun dangka leh sana ka nei puau, ka nei sun uh hun piang kau. Nazareth Jesu min in la keng in chia in, ti in a kaitho ua, a dam ah, chia thei in, a kichawm dawktai. Peter leh John thilmak bawl chu mipiten a hiat phat unmi tam tak a hung khawm ui. Peter in mipite kiang in hangsan tak in Pathian thu a gen ah, amau suantu Abraham ah kipat Judahte zawlneite leh Jesu a tha tiang uh a gen piak hi.

Peter thugen chu Pharisaite leh Sadukaite chun a zada ua, a mantau hi. Peter chu Judah hotute ang ah a din lai in Pathian Thagau Thiangtho in a hun thuam ah, Nazareth Jesu thu, a nasep, a thina leh a thawkit tiang chu Judah hotute kiang ah gen in hangsan tak in hukdamna chanchinpha thu a gen hi. Peter leh John hansan dan chu Judah hotute chun a mu phat un, lekha helo, mimawl mai a hiu ah, bang ziak ah zia gual thu gen ngam leh gen thei a hiu em, a tiu ah mak a sa ma ma ziang ui.

Jesu nungzuite zosia chu Pathian Thagau in a hun thuam phat in, amau ah pilna hilo in, Pathian

pilna mang in mi lian leh hotute ang in thu Jesu nungzuite zosia chu Pathian Thagau in a hun thuam phat in, amau ah pilna hilo in, Pathian pilna mang in mi lian leh hotute ang in thu dik tak tak a hun gen theitau. Gentel mi, sepai hotu, Kornelia kiang in vansawlchak pakhat a va kilaak ah, Kornelia chu Peter ko ding in a sawl hi. Pathian in a hiat sak gual in Kornelia chun Peter ko ding mi a sawl hi. Zia ni zing ah sun hunah chun Peter chu a gil a hung kial ah, an nek ding a bawl lai un, kilaakna a mu. Van ah kipat bawm pakhat a hung kikhaita, a sung ah chun keng pali nei ganhing chikim leh vacha chikim a um hi. Aw a hung pawt ah, aw chun, Peter that in la ne'n, a tia. Peter chun, hilo e, Lalpa thil buak ka ne ngai puai, a tia. Aw chun, Pathian sukthiansa chu nang in a buak hi, ti kin, ti in aw chun a hun gen hi. Aw chun zia gual chun thumvei a hun gen hi. Ziazaw ah chun bawm chu van lam ah a kikhaito kittai. Peter in kilaakna a mu chu a ngaitua lai tak in, Pathian Thagau in, Peter kiang ah nang ko ding mi pathum a hung ui, chia in la, zui in a tia. Peter in le a zui tai. Peter chu a hung tun phat in Pathian in Gentel leh Judah, kuama khenchuam a nei puai, khawvel ah mi zosia a ding ah hukdamna kawt a hawn a hi, a tia. Peter chun Gentel mi Kornelia inn ah a

chia ah, Jesu thu chu kichian tak ah thu a gen leh Gentel mi kikhawmte chu Thagau Thiangtho a chang tau hi. Judah, zektan mi, Peter hun zuite chun, Gentel mi, zektanlote le Pathian Thagau a chan uh chu mak a sa ma mau hi.

Sawlchak Paul leh a lawite chu Phrigia leh Galatia gam a fan zaw un Asia gam ah chanchinpha thu gen ding a tiu leh Pathian Thagau in lem a sa pua, a chia tapuau hi. Mysia a tun phat un Bithynia ah chia ding a guat uh leh Thagau in a phal puai. Ziaphatchun Misia chu haw theng in Troas a tungtau hi. Zia zan ah chun Paul in kilaakna a mu, Mesidonia gam ah mi pakhat a ding ah, Mesidonia gam ah hung in la, ei hung panpi in, ti in a ko hi. Ziaphatchun, Paul in Lalpan zia gam ah chanchinpha gen ding in ei daw a hi, a tia. Mesidonia gam ah a chiatau hi. Zia gam ah khawpi lian pakhat, Rome mite chenna ah chun ni tam tak a chaam ua, numeite lak in le chanchinpha thu a gen ui. Numei haw lak ah Lydia in chanchinpha a gen uh chu a ngai nuam ma mah, ama leh a chanaute chu baptisma a changtau hi. Pathian in, ama sawl thagau mite chu a chiana ding natiang uh a hil in a kawkmu ah, lem a saklona mun ah a chia ding uh le a awi puai. Pathian Thagau chu a gingtute a ding in puitu, thu hiltu leh thupuangtu a hi



No. 22. 22nd September, 2012. (Kigin ni).

Pathian Thagau in Pathian thu leh Jesu thu a puang hi.

(I Korinth 2:10, John 16: 14).

Jesu chun, Thagau Thiangtho chun keima ei chawhawi intin, ka thute chu hun hiatchian sak inna, (*Johan 16: 14*) a tii. Pathian chun ziahaw chu a Thagau in ei hiatsaktai. Thagau chun thu gil zosia leh Pathian thukna haw tiang in a hawldawk sek hi, (*I Korinth 2: 10.*) Mit ah mu ngailo, bil ah hiat ngailo, Pathian in ama hepate a ding ah a guat piak a hi, (*Isaiah 64: 9*). Jesu leh a nungzuite chu Kaisaria a hung tun phat un, a nungzuite kiang in, keima hi miten kua a hi ei tiu em? a tia. A nungzuite chun khenkhat in zawlnei Elijah a hi, a tiu ah, mi khenkhat in zawlnei Jeremiah a hi, a hun tiu, a tiu hi. Ziaphat ah chun, Jesu chun a leh nangun kua a hi, lei tiu em? a tia. Peter chun, Krist, Pathian hing chapa la hi, a tia. Jesu chu a kipak ma ma ah, Peter kiang in, lei hiatchianna chu taksa leh thisan in a hun hiatsak a hi pua, ka pa van ah um in a hun hiatsak la hi, a tia. Jesu hi, Khrist, Pathian chapa a hi, ti hi hiat haksa leh taksan haksa ma ma a hi. Jesu chu a dam lai in thilmak tam tak a bawl ah mithi kaitho in thithabuakte nawdawk maleh

Pharisaite leh Judah dan thiamte haw khan Pathian chapa a hi ti chu a gingcha thei diak puau.

Jesu chu Pathian chapa a hia, ama bep chu hukdamna lampi a hi, ti chu Penticost ni ah thagau in mi tam tak kiang in a hiatchian saktai. Jesu'n keima hi lampi leh thutak leh hinna ka hi. Kuale keima ah chialo chu Pa kiang tung thei puanna, a tii. (*Johan 14:6.*) Jesu beplo chu hukdamna dang a um pua, Jesu beplo chu khawvel pumpi gitlo tatna ding ah thi kuama a um puai. Ziaziakchun, dan zawp mai in hukdamna a um pua, Jesu bep ah hukdamna uma hi, Pathian Thagau Thiangtho in Jesu gingte zosia kiang ah a hiatsak thupipen a hi. Thagau ah kilaakna zosia ah chun Jesu hepina, Kros ah a thina leh a thawkna chu suklatna a pang tampen hi. Peter in a nu, a pa, a suapite, a inn, a lo leh a chanaute zosia nusia ah Jesu a zui nung ah, Jesu chu Pathian hing chapa la hi, a ti leh Jesu chun ka Pa van ah um in a hun hiatsak la hi, khawvel pilna la hiat ei puai, a tii.

hun hia, Lalpa migilo ka hi, ei panpi in ti'n Pathian a hun zuan sek ui. Ziaziakchun, Paul in la sungil ua thagau ah la hat theina ding Pathian kiang in nasa tak in ka hun pauchap piak la hiu, a ti a hi.

Mihing thagau chu Pathian Thagau tawh a hung kizawp phat uh leh Pathian cha hina nei in thagau ah hatna a hun nei sek ui. Khawvel thil phalo ah suzkawnkhal ah um zing talo in thagau ah sukhat in a hung um zaw'u hi. Mihing chu Pathian Thagau tawh a hung kizawp phat leh thudikna, kichamna, limna leh kipakna nei in Jesu dawi gual ah a hinna mang ding in a hung kisiam thak sek hi. David chun a pa belamte a chin lai in sakeibaknei leh savawnten, belum hawn chu hun del zak in, a nek ding un belum chu a man sek ui. Himaleh, David chu Pathian Thagau in a thuam ah, sakeibaknei leh savawnten a belum a mat uh chu a lakpiak ah, sahangte chun lungna, a ngik uh leh a khenlum mai sek hi, (I Samuel 17:34-35). Zia thahatna chu mihing thagum a hi pua, Pathian Thagau tha hatna a hi.

David galzawna chu ama a ding bep a hi pua, a khang a khang ah, Israelte simmawtu, Philistinete chu Israelten a hun zotau ah, Israelte Pathian chawihawina leh Israel nam thupina a hi zawtai

Zia gual ah chun, Kochuam ah thagaumite chu kochuam pumpi suk-hatna leh Pathian lopina a hi. Ahinla, gingtute a ding ah gal zaw haksa chu taksa thil leh thagau thil ah sualna haw hi a hi. Goliath sang ah zaw haksa zaw gual in a kilang hi. Paul in pha ka saklo lam lam ka la bawl kha sek hi. Zia sual chu keima bawl a hi pia, keima ah sual in a bawl a hi zawi, a tia. Gingtute hatna chu thagau a hia, taksa phasakna sang ah, thagau dawidan zui zawk zing ding a hi.

Rome sawrkar nuai ah thuneitu, Israel gam ah vaihawmtu, lal Herod in Johan suapipa Jakob a tha leh Judahte a kipak ma ma ziak un Peter le mat ah tha ding in suangkul ah a kawi leh Pathian vansawlchak in a va puidawk hi. Ginna ah mi hatte chu Pathian in a thatham ngai puai. Thagau ah hatna chu Pathian galvan ah kithuam a hi.



No. 10. **10th September, 2012. (Seppat ni).**
Pathian Thagau chu thilhitheina a hi.

Acts 1:8. (John 20:22)

Jesu chu thawkgimna tam tak a thuak in kros in a khenden ua, a thitai. Ni thum zaw in lopi tak in a thokit ah, mite kiang in a kilaak ah, thina ah kipat a thokit hi, ti hiatchianna tam tak a etsak hi. Mi tam tak kiang ah ni sawmli sung hial a kilaak ah, Pathian gam chanchin a gen zing hi. Jesu'n a nungzuite kiang in, Thagau Thiangtho chu la chung ua a hung tun phat leh thilhitheina nei tan lau. Ziaphatchuleh, Jerusalem, Judah gam, Samari gam leh khawvel tawp tiang in ka thu hiatpitute hitan lau, a tia. Zia thu chu a genzaw phat in, a nungzuite tawh Olive tang ah a umkhawm zing lai un, Jesu chu lakto in a umtai. Ama chu suum lak in a chiato ah, a nungzuite mu phaklo in a chiatotai. Jesu lakto ah um chu a nungzuiten a enzui ua, van lam a et zing lai un, a kiang ua mi pani, puan vam sil a hung ding ua. Nanguh Galilee mite haw, bang a tia, van lam en ah ding zing la hiu em? Jesu, la kiang ua kipat van lam ah lakto hi, van lam ah a chiato la mu gual ngei un hungkit ding a hi, a tiu. Ziazaw ah chun Olive tang ah kipat Jerusalem lam in a hungkittau. Ziazaw ah chun kithugual tak in a pauchap ua, pindan chungnung in a umkhawm zing ui.

Lauthawng leh lungkham tak ah a um zing lai un, penticost ni in Pa thutiam, Thagau Thiangtho chu a hung tung ah, Jesu nungzuite bep hilo in Jesu gingtute zosia chu thagau a chang tau. Amau lak ah chun hansanna, kihepina, Jesu thugente hiatchianna leh thagau nasepna a hung pungtai. Pathian Biakin mai ah kengbai, khutdaw chu Peter leh John in Jesu min in a kaitho ua, keng in a chia theitai. Amau teni chu tuzui in a kichawm chawm ziangtai. Kristiante

lungthim munkhat ah, kithutuak tak ah, thagau ah thuam ah a um lai un, Ananias leh Sapphira in a thil zawk man uh khen khat a im ua, pha a sak bep uh thawlawm ah a piak ah, zuau a gen ziak un Peter in a hankhum leh a pani un a thitau hi.

Jesu nungzui Kochuamte chu a hung pun deu deu ua leh melma a hun nei ua. A gam ua, lal Herod in kochuamte chu a hun sugenthei ah, John suapi, Jakob chu chemsau in a that hi. Zia gual ah gingtu a tha ziak

ah chun Judahte a kipak ui, ti a hiat phat in Peter le mat ah tha ding a hun guai. Peter chu a man ah suangkul in a khum ah, sepaite pha tak in a ven sak hi. Peter in suangkul a ngak ziak in kochuamte chun Pathian kiang in gunchu tak in a pauchap piak ui. Peter suangkul sung ah a um lai chu Lalpa vansawlchak in a va kaitho ah, a puidawk ah khawpi sung tiang in a va pui ah, a nusiatai. Peter chu John Mark nu, Mary in ah a chia ah, kochuamte pauchap ah um tam tak tawh a kimutua ua, a kipak ma ma tau hi.

Paul leh Sila chu pauchapna a chia lai un nungak, aisan thiam, thithazawl a um ah, zianu chun amau chu a zui zui ah, zia mite hi Pathian nasemte a hui, tin a kiko ko hi. Ziaziakchun, Paul in a sung ah thitha um chu a nawdawktai. Amanu chu aisan ah sum law sek a hi ziak in a pute chu a lungnau ah, Paul leh Sila chu police te a matsak ua, suangkul in a khumtau. Zan ah chun Paul leh Sila chun Pathian pak ah la sa'n, a pauchap ua, lungdawnglo hial in a um ua. Zan ah chun thakhat in lin a hung killing ah, suangkul kawtkhak zosia chu a hung kihawng ah, suangkul ngak zosia kawlbuhaw chule a hung kitham suaktai. Ziaphatchun, suangkul vengtupa chu lungdawng

in kitha a gawtai. Himaleh, Paul leh Sila in bangma kilaw kin, ka leng un ka um kim suak ui, a tiu hi. Suangkul vengtupa chun amauteni chu bawkkhup in chibai a buk ah, pute haw hukdam ah ka um theina ding un, bang bawl ding ka hui em? a tia. Paul leh Sila chun Lalpa Jesu ging le chin la sungkuan un hukdam in um inlau, a tiu hi. Suangkul vengtupate inn-sungkuan chu baptisma a changtau. Pathian thilhitheina lopi tak chun suangkul tangte bep hukdawklo in inkuan khat hukdamna a tun saktai.

Sawlchak Paul chu a suangkul tanna thu ziak ah Italy lam ah sepaiten a chiapi ua, hun sawt tak lawng ah a chia nung in a lawng chu a sia, lawng chu a nusia tau hi. Lawng ah chuangte zosia chu dam kim in tuisuagiat gal ah mualkang chu a galkai thei chiat ui. Zia mualkang umna, tuikual gam chu Malta tuikual (Island) a hi. Zia gam mite chun amau chu a la mu phat un a khawtua, a la bawlpaha ma mau hi. Zia hun ah chun gua a zuk ziak in a dap ah, mei a sem ua, mei a awi ui. Paul chun thing lawmkhat a chawm ah, mei lak ah a vak selut leh, meisa lak ah kipat in gul, gu hat (viper) a hung pawt ah, Paul khut in a kital ziang hi. A gam mite chun Paul chu tualthat

No. 21. 21st September, 2012. (Ziltawp ni).

Pathian Thagau chu Kristiante siampha leh suhattu a hi.

Acts 9: 31, Rome 14: 17, Galatia, 5:22.,

Chutichun, Kochuamte chu Judah gam, Galilee gam leh Samaria gam pumpi in muang tak in a khosau ah, Thagau Thiangtho ah suk-hat ah um in, Lalpa dawi dan zui in a hung pung deu deu tau hi. (Acts 9:31). Khawvel lal leh hotute ang ah a gen ding uh Pathian Thagau in a hiatsak ah, lalte a lau puau ah, mipite piangthakna ding in thagau in Jesu hepina leh tatna thu a puang sak ah, ginnatawnte sukhatna ding in thilmak bawltheina a piak ziak in gingtute chu a hung pung deu deu ua, Jerusalem, Judah gam leh Samaria gam pumpi ah chun Jesu Krist Kochuam a hung um dettau hi.

Sawlchak Paul in, Pathian gam chu nek leh dawn thu a hi pua, himaleh thudikna, thamuanna leh kipakna a hizawi, (Rome 14: 17) a tia. Thudikna, thamuanna leh kipakna chanchinpha chun gam a hun la lian deu deu ah Israelte chenna gam bep hilo in amau gam pawlam gamla tak tiang ah Kristiante a hung pung tozeltau.

Sawlchak Paul in Ephesi Kochuamte kiang ah, Thagau Thiangtho chun la sunggil hinnau chu lopi tak ah a hun sukhat piakna ding in ka hun dawt piak la hui, (Ephesi 3:16) a tia. Zia chu Jesu gingten Thagau a chan phat uh leh a hatnau pung zel ding a hi ziak ah Paul in a dawt piak a hi. Mihing chu taksa a hia, a hinna thagau (soul) chu Pathian suan a hia, thi theilo a hi. Mihing

thagau chu Pathian chi himaleh a umna taksa chun a thunun sek ziak in taksa dan in a um sek hi. Ziaziakchun, thagau lam thamuanna a nei pua, lungmuanna leh thamuanna hawl in, ama ngai dan dan in pathian a hawl sek hi. Ahinla, Pathian dawilam chu taksa dawilam: du-amna, kiletsakna, itsikna, awchatna, thangsiatna leh lungnatna haw tawh kituaklo a hi ziak in ama ngaidan mai in Pathian dikna a mu thei puai. Mihing a ding ah Pathian in pha a saklo thilte haisan chu a haksat ziak in mihing chun ama ngaidan mai in Pathian a hawl zel mai hi. Himaleh, mihing thagau, taksa thunuai ah um zing maleh Pathian Thagau tawh a hung kihattua phat ua leh taksa thununna chu a diklo zawk a hi ti, a

chu a khawi ah, la ginchak gual un, la chung un, tung ta hen, a tia. A mit uh chu a hung vaktai. Jesu chun, kuama kiang in gen ki un, a tia. Himaleh, amauteni chu a pawt un gam tin in a genthangtau hi.

Jesu'n phakte nasan le a khawi ah, a sudam sek hi. Mi kidak a nei puai. Zia gual ah chun, thagau-miten le ngaina tak ah mi malzawl na a dawt piak tak ua leh a luchung ua a khut ngat in a pauchap piak sek ui. Zia gual chun Pathian in Mosi kiang in Joshua chung in la khut nga'n la, pauchap piak in la, la thagau chan hawm in la, la thilhitheina le hawm in, a tia. Mosi'n Joshua a khut a ngat ah a pauchap piak zaw phat in Pathian thilhitheina chu Joshua chung in le a umtai.

Malai ah Israelte chu nam dangte gual ah lal nei ding a nuam ua. Amau, mapuitu (Judges), zawlnei Samuel thunuai ah um zing sang ah lal thunuai ah um a nuam zaw'u hi. Ziaphat ah chun Samuel kiang in a kiphin tau hi. Samuel leh Pathian chun lal thunuai ah a um sang un zawlnei thunuai in um zing leu ti, pha a sa zaw'u hi. Himaleh, Israelte chu a kiphin zing ziak un Pathian in lal piak ding a gawtai. Kish chapa, Saul chu Pathian in a lal ding un a tel piak ah, zawlnei Samuel chu sathau a nu sak hi.

Zawlnei Samuel in Saul chu sathau a nu zaw ah, Pathian Thagau a chan ding dan a pen piak hi. Pathian Thagau in a hun thuam ah, la chung ah Thgau nasepna a um phat leh a ti dan dan ah la um ziang ding a hi. Zia chu Pathian Thagau a hia, a thu la mat ding a hi, a tia. Samuel in sathau, a lu chung ah a nu zaw ah, a kikhen ding kuan un, Pathian Thagau a chang hi. Lalpa zawlnei, Samuel in a luchung ah sathau a nu phat in Pathian Thagau a changtai. Thagau mite khut chu Pathian in a mang ah, Pathian thilhitheina chu mi chung in a pe sawn thei ui. Ziaziak ah chun, Jesu'n a nungzuite kiang ah, thuneina sang tak a piak khan thil a hithe ma ma hi.

Tuni tiang in le Pathian Thagau mat, Thagau mite chun mi a pauchap piak uh leh taksa leh Thagau malzawl na a chang thei zing nalai ui. Pathian thagau nasepna um sung sia, Pathian Thagau thilhitheina um zing ding a hi. Ziaziak ah chun Kochuamten Thagau nasepna ngai pawimaw ding a hi.

a hia, lawngsiatna thilo leh le thi tho tho ding hin a, a tiu. Himaleh, Paul chun mei lak ah a thingtha, bangma a ti puai. Zia gam ah vaihawmtu, lo lian tak nei, Publias inn ah a tung ua, nithum a chaam ui. Publias pa chu khawsik leh santen in a dam pua, Paul in a pauchap piak leh a dam ah, damlo dang zosia le a pauchap piak ah, a dam tau hi. Pathian Thagau Thilhitheina chu Thagau mite chung in a um hi.

**No. 11.****11th September, 2012. (Sepkit ni).****Pathian Thagau thuam ah Philip nasepna.**

Acts 8:29.

Philip hi Jesu nungzui sawm leh nite lak ah pakhat, Galilee gam ah Bethsaida khaw mi, Evangelist a hia, Jerusalem khua Kochuam upa a hi. Ama hin Phrigia leh Samaria gam in chanchinpha thu a gen sek ah, gingtu tam tak a mui. Hun chawmkhat zaw in Kaisaria gam in a cheng hi. Philip hin chanu pali a nei ah, amau chu zawlnei thupuangtu ngawn a hui hi. Ama hi Andrew leh Peter tawh khaw khat, Bethsaida khua cheng, sangamantu a hi. Baptistu John nungzui a hia, Jesu'n Jordan gal ah Bethany khua a um lai ah a kodawk ah, Jesu nung zui in a pangzaw tai.

Philip chun Nathanael a hawldawk ah, a mu phat in, a kiang in, Mosi lekhabu leh zawlneite lekhabu ah la kiziak, Joseph chapa Nazareth Jesu a tiu kha, keiun ka mutau hi, a va tia. Nathanael chun Nazareth khua in thilpha a pawt ngai em? a tia. Philip chun, hung in la, hung en in, a tia. Nathanael chu Jesu kiang lam hun zuan chu Jesu'n a mu phat in, en tiam un, Israel mi dik tak, mi thutak, sualna neilopa saw, a tia.

Nathanael chun, bangtik ah lei het a hi ta em? a tia. Jesu chun Philip in a hunko ma ah, theichang bul ah la um lai khan ka hun mutai, a tia. Ziaphatchun, Nathanael chun, hotupa, Pathian chapa, Israelte lal chu la hi, a tia. Jesu chun, theichang bul ah la um lai ah ka hun mu a hitai, ka ti ziak ah lei ginchak a hi maw? Zia sang ah chu thil lopi zaw hun mu ding la hi. Titakzet in ka gen la hi, tunung leh van kihawng ah Pathian



van sawlchakte chu mihing chapa ngaitua ah kum suk leh kaltote mu ding la hi, a tia. Thagaumi, Stephen kha Judah ten suang ah a selup lai ua khan Saul le Stephen thatte lak ah pang in, mi thatte puan chawitu in a la pang hi. Pathian ngaina mi haw chun Stephen luang chu a vui ua, lungkham tak in a sun ua, ngai tak in a kap ui. Stephen a selup niu ah kipat in Jerusalem ah kochuamte sukgentheina a hung kipan ah, Jesu nungzuite tilo, gingu dang zosia chu Juda gam leh Samaria gam khaw tin leh Israel gam pawlam tiang in a taizak tau. Gingu taizakte chun a chiana zosia un chanchinpha chu a puangzak zel ui. Philip chu Samaria khawpi in a chia ah, Jesu Krist chanchin a gen ah, zia khua mipite chun Philip thugen chu a ngai nuam ma ma ua, a thilmak bawlte chu le thupi a sa ma ma ui. Philip chun thitha buakte a nawdawk ah, zeng leh kengbaite tam tak a sukdam ziak in mipite chu a kipak ma ma ui. Zia khua ah chun dawithiam minthang Simon, mipiten a la ngai thupi ma ma uh chun le Philip thugen ziak in Jesu a hun ging hi. Zia khawpi ah numei leh pawsal, mi tam tak in Jesu min in baptisma a changtau. Philip thilmak bawl ziak in mipite chun Pathian a

lau ua, dawithiam, Simon chu le Philip kengbul in a um zingtai.

Lalpa vansawlchak pakhat in Philip kiang in kipan in la, simlam ah chia in la, thalek ah lamlian, Jerusalem ah kipat Gaza zawtna lampi in chia in, a tia. Philip chu a kipan ah, a chia ah, Ethiopia lalnu, Kandaki nuai ah nasem, a nei zosia enkawltu, mitilge, Ethiopia mi, Jerusalem ah Pathian ho ah chia a mu. Ama chu Jerusalem ah kipat a kilekit lam a hi. Ama chun a kangtalai chung ah zawlnei Isaiiah lekhabu a sim malam pek hi. Thagau in Philip kiang in, chia in la, a kangtalai ah sawn nang le va chuang in, a tia. Philip chun a va nai ah, zawlnei Isaiiah lekhabu a sim chu a hia. La lekha sim chu a umzia la he em? a tia. Ama chun min ei hilchian piaktu umlo in bangti hiat ding ka hem? a tia. Philip chu a kiang ah chuang ding in a ko hi. Mitilge in Pathian lekha a sim chu: Ama chu belum gual ah tha ding ah pui a hia, belamno a mulmettu ang ah a thip hiat hiat gual in bangma a gen puai. Musit ah a um lai in a dikna thu pawm a hi pua, A suante khanggui chu kuan a hun gen ta diam? Khawvel ah a hinna chu lakmang a hitai.

Mitilge chun Philip kiang in, zawlnei hin kua chanchin a gen a

No. 20. 20th September, 2012. (Ninga ni).

Thagaumite khut ngat ziak ah thagau channa.

(Numbers 27:18, Acts 19:6).

Apolo chu Korinth khua a um ah, Paul chu a gam sung lam ah chia in Ephasa khua a hung tung hi. Ziatak ah chun gingu mi khenkhat chu Paul in a kimupi hi. Paul in amau kiang ah chun la gin lim un Thagau Thiangtho la chang uh em? a tia. Amau chun, ka chang puau hi. Thagau Thiangtho thu ka he kha nai puau, a tiu ah, Paul chun, bang baptisma a hem, la chan uh? a tia. Amau chun Johan baptisma, a tiu hi. Paul in baptistu Johan chun gitlo haisanna ding in mi a baptist sek hi. Ama chun, a nung ah Jesu hung ding chu miten a la ginchak theina ding ua batisma a la chan sak a hi, a tia. Zia thu chu a hiat phat in Jesu min in baptisma a changtau. Paul in a chung ua a khut a nga, Thagau Thiang a chang ua, pau hiatlo in a pau ua, thu a puangtau hi. Zia ni ah baptisma chang leh thagau changte chu mi sawm leh ni a hiu.

Paul chu Thagau mi, Pathian Thagau in a sawl a hi. Ama thugen chun thil a hithei ah, gingu, thagau chang nailote luchung ah chun a khut a nga, malzawl na a dawt piak ah, a pauchap leh thagau a chang ua, pau hiatlo in a pau ua, Pathian thu a puangtau. Gingtuten Jesu a gin phat uh leh Pathian chapa Jesu chu a taksang ua, a thugen leh a nasep thute a ngai nuam ui. Jesu ngainate chu Pathian Thagau in a hun thuam sek a hi. Thagau chan hi ginna sang ah sangzaw a hi. Mi chu thagau a chan phat leh ama taksa, amau dawina zuilo ah Pathian dawi gual ah thagau in a thunun sek hi.

Pathian thilhitheina chu thagau in mihing ah a hun suklat sek a hi. Zarephath khua meithainu chapa a thi ah khan zawlnei Elijah chun naupang thi chu a bawkhum ah Pathian kiang in a pauchap ah, Aw Lalpa, ka Pathian zia naupang hinna hi hun pe kit in, a tia, a pauchap leh naupang thisa chu a hung hingkit ziang hi. Mitthum pani in Jesu a hun zui ua, David chapa, ei lungsiat in a tiu ah. Jesu chu inn sung ah a lut leh amauteni chu le a lut ua. Jesu chun, a kiang ua, la mit uh chu suvak thei ding ah lei gingu ah a hem? a tia. Amau chun, ka gingu ah hi, Lalpa, a tiu ah, ziaphat ah chun, Jesu chun a mit uh

Pau hiatlo hi, pau lamdang, a thawten le a hiat chianlo uh a tam hi. Ahinla, Penticost ni pau hiatlo chu a ngaitha zosia'n a hethei ua, amau in le mak a sa chiat ui. Ahinla, Kaisaria khua, Gentelte lak ah pau hiatlo hung tung kha, Judahte, Peter nung hun zuite khan a he thei diam uh, hiat a hi puai. Bible in pau hiatlo a thaw ua, a ti ziang ah, a ngaithaten a he thei ui, ti chu a kiziak puai.

Pau hiatlo ah thugen chu mihing kiang ah gen hilo in, Pathian kiang ah gen a hi. Pau hiatlo ah thugentu thugen chu kuaman a he pua, thagau ah thuguk a gen a hi. (**I Korinth 14: 2**). Revival tunna gam i hi ziak un, pau hiatlo thaw chu numei leh pawsal le tam tak a um hi. Ahinla, pau hiatlo thawte chun a gen uh chu a he puau. Himaleh, Pathian in a kiang ua thu a kawih ah, zia ziak ah chu zia thu chu Pathian a dawnhunau a hi. Mihing het ding ah gen a hi puai. Thilmak tak chu, pau hiatlo hi, a thawten, a nawp hun hun ua thaw ziang thei uh a hi puai. Pathian in a piaklo leh limna sang ma ma leh le kuaman a mawh thaw thei diak puau hi. Ahinla, zawlnei

leem a um gual in a taklo le a um thei diam? Zia chu Pathian Thagau in hechian inna. Pau hiatlo, dikna leh diklona chu thagaumite ma'n pauchapna Pathian kiang ah a lat mai ding uh a hi.

Pau hiatlo chu mipi a ding ah thugenna nei ding ei puai. Ei mau gam ah hin kuama pau hiatlo ah thugen, a kihe kha puai. Korinth mite kiang ah sawlchak Paul in a gen dan a hin, pau hiatlo ah thugen le um hile a kilawm hi. Himaleh, Revival tunna thupi tak tak ah Pau hiatlo ah thugen a um a kigen kha puai. Pau hiatlo ah pau chu mi tam tak a um hi. Sawlchak Paul in, **“La leng un pau hiatlo ah thu la gen uh ka dawih piak hi. Himaleh, thupuangtu la hui, ka dawih piak zawi. Pau hiatlo ah thugentu thu gen chu a Kochuamte hiat ding ah a let thei a umlo leh Thu-puangtu thugen chu a pawimaw zawi.** Pau hiatlo chu thagau mite kiang ah thagau thilpiak pa khat a hi. Himaleh, mipi hiat theilo a hi ziak in, thugenna mat chu a pawimaw puai, tina a hi. Thagau Thiangtho thil piak lak ah pang a hia, thagau mite teptena pakhat a hi.

hem? Ama chanchin a gen a hi diam? Mi dang chanchin a gen a hi diam? a tia. Ziaphatchun, Philip in Jesu chanchin chu a bul ah kipat in kichian tak in a hiltai. Mitilge chun, zia hin tui a um hi. Baptisma ka chang thei diam? a tia. Philip in baptisma a chansak tai. Mitilge chu baptisma a chanzaw in Pathian Thagau in Philip chu Azota khua in a kawih mang ah, mitilge in a mu tapuai. Jesu nungzuite chu Thagau Thiangtho in a hun thuum phat in thilhitheina nei Lalpa na a sem zel tau hi.

**No. 12.****12th September, 2012. (Nilai ni).****Pathian Thagau in nasem ding in mi a sawl hi.**

(Acts 9:15-16, Acts 13: 2-4, Acts 10: 20)

Saul chu Thagau a chang ah, khaw mu theilo, an nelo leh tui dawnlo ah um a hi. Ama chu pauchap piak ding in Pathian in Ananiah a sawl hi. **Lalpa chun, Ananiah kiang in, chia ziang in, ama chu gentelte, lalte leh Israelte lak ah ka min pawluttu ding ah ka tel a hi. Ka min ziak ah gentheina tam tak a hunhawk ding haw chu ama hiatsak ding ka hi, a tia.**

Saul chun Jesu nungzuite gawt leh thana ding ngaitua ah phalna lekha a la, Damaska khua mipi kikhawpna inn ah mite man ding in Damaska khua ah a chia lai in Damaska khaw kiang in, vak in a hunkhaw ah, leitual in a kipukta. Aw a hung gi, aw chun Saul Saul, bang a tia ei sugenthei la hem? a tia. Saul chun, Lalpa, kua la hem? a tia. La sukgenthei Jesu ka hi, nang ziak ah mawl zum ah ei sutnau hi a na a hi, a tia. Saul chu lau in a kithing ah, Lalpa, bang bawl ding ah

lei dawih a hem? a tia. Lalpa chun, tho in la khawpi sung in chia in, la nasep ding hun gen innau, a tia. Saul chu a tho dawh ah, a mit a vak tet leh khua a muthei tapuai. A khualzinpite chun a ban in a kai ua, Damaska khua in a puiluttu. Ni thum sung chu khaw mulo, an nelo leh tui dawnlo in a um hi. Damaska khua Jesu gingtu, a min Ananias a um ah. Ananias kiang ah chun Lalpa a va kilaak hi. Ananias, tin a va ko ah, ama chun, Lalpa zia tak hin ka



um hi, a tia. Lalpa chun a kiang in, chia in la, khawpi sung ah, Kawt Zing zang ah, Juda inn ah Tarsas mi va hawl in, ama chu a pauchap lai a hi. Saul chun kilaakna a mu, mi pakhat, Ananias chun a khawmu theina ding in a chung ah khut ngat ah pauchap piak in a la mu zotai, a tia. Ananias chun, zia pa hin Jerusalem ah la mi thiangthote a sukgenthei nasat dan thu, mi tam tak in ei gen ka hetai. Zia khua hi le nangma min lam tapo chu mat ah suangkul ah khum theina ding phalna lekha nei a hi, a tia. Himaleh, Lalpa chun, chia ziang in, ama hi gentelte, lalte leh Israelte lak ah ka min pawluttu ding ah ka guat a hitai. Ka min zia ah gentheina tam tak thuak ding a hi, a tia.

Ziaphatchun, Ananias le a chia ah, Juda inn ah chun a va lut ah, Saul chung in a khut a nga. Ka suapi, Saul, la hungna lampi, la kiang ah hung kilaak, Lalpa Jesu ngei in khua la mutheina ding leh Thagau Thiangtho ah la dimna ding ah ei sawl ka hi, a tia. Ziaphatchun, a mit ah kipat phulip tawbang a hung ketha, khua a hun mutheitai. A hung thodawk ah, baptisma a chang hi. An a ne, a hung hat ah, Damaska khua gingtute lak ah chawmkhat a chaam hi. Saul chu

mipi kikhawpna inn ah a chia ah Jesu chu Pathian chapa a hi, ti thu titakzet in a puangtai. Bible ah Pathian nasemtu thupipen a hi.

Antiok khua kochuamte lak ah chun zawlnei leh ziltiltute: Barnaba, Simeon, Lukias, lal Herod suapi Manaen leh Saul a um ui. Amau chu Lalpa nasem ah an ngawl ah a pauchap lai un Thagau Thiangtho in a kiang ua thu a hun gen ah, Barnaba leh Saul chu ka ko ahi. Nasem ding in, ei kawichuam piak un, a tia. Ziaphatchun an ngawl in a pauchap ua, a chung un a khut uh ngat in a pauchap piak ua, amau chu a sawldawktau. Kaisaria khua ah chun mi pakhat sepai hotu, Kornelia a um ah, ama chu Pathian za mi tak, a sunghaw ua Pathian thu-awi dik tak a hui. Lalpa van sawlchak a kiang in a hung kilaak ah, Kornelia, la pauchapna leh la thilpiakte haw chu Lalpa 'n a he zing hi. Zoppa khua um, Simon Peter ko ding in mi sawl in, ama chu savun siamtu Simon inn ah tung a hi. Simon inn chu tuipi paam ah um a hi, a tia. Peter chun kilaakna a la mu, bawm ah ganhing chikim Pathian in a etsak ah, zia haw chu that in la, ne'n a tia. Peter chun, thianglo ka ne ngai puai, atia. Himaleh, Lalpa aw chun Pathian in a

19th September, 2012. (Nilai ni).

No.19.

Thagau Thiangtho in pau hiatlo ah a pau sakna.

Acts 2:4, Acts 10: 44-48.

Penticost nin gingtute chu a leng un Thagau Thiangtho in a hung dim ua, thagau in a pau sak gual in pau danglam tak in a hung pau tau hi. Thagau Thiangtho hung tun masaknapen ah thilmak haw chu: Pathian Thagau Thiangtho hung tun chu thigawpi gual in a git a ngai ma ma ah, mi zosian a hiau hi. Zia husa ngai tak mai chu gingloten le a hiau ah, bang thu a hi diam, a tiu ah. Mi tam tak a hung taikhawm ua, thagau chang ah hawiah, kilik vang vangte chu zukham hi ding in a gingchau hi. Thagau in a sukhaklo mite chun bang thil a hi em, ti a he him him puau hi.

Chun, Thagau chu lei gual ah san in, meikuang gual ah phe zawt zawt in, gingtute lak ah chun a chu. Zia thagau chukna mi zosia chu thagau a chang chiat ua, thagau pawl in a um chiat tau. Jesu nungzuite chu Galilee mi deu ngawn a hi zia un, amau pau in Jesu chanchin a gen ua, Thagau Thiangtho chang zosia chun Galilee gam pau ah thu kigen haw chu amau pau gual chiat in a he ziang ua, paulettu a ngai puai. Chun, pau hiatlo ah pau haw hi, thugentute a hi diam, a mipite haw a tina a hi diam, a hiatchian thei puai. Thugentute hin amau pau ah a gen uh a hi diam, pau hiatlo ah a gen uh a hi diam, hiatchianna a um puai. Bang pau hi ziang leh le, a ngaithatute chun amau

pau ah a la hiat chiat ziang thei uh hi, thil mak tak a hi. Zia pau hiatlo ah paute haw hi, amau in zia gual ah chu pau a guat zia uh a hi pua, thagau in a pau sak a hi.

Peter in Kornelia inn ah thu a gen ah, Pathian in chanchin pha chu khawvel ah nam zosia chan ding ah a daw i a hi. Baptist-tu Johan thu leh chanchin pha chu Israelte lak ah gen masak a hi dante leh thagau nasep dante a gen zaw in a thugen ngaitha zosia chu Thagau Thiangtho a changtau hi. Peter hun zui, gingtu, Judah mitte chun gentelte thagau a chang ua, pau hiatlo in a pau ui, ti a hiat phat un mak a sa ma ma ziang ui. Gentelte chu pau hiatlo in a pau ua, Pathian a pak ua, a lim ma ma ziang ui.

ngaidamna certificate a zawk uh chu a la nial hi. Ziachu Pathian Thagau nasep a hi.

A nunungpen in Scotland gam ah lal James chu England lal, King James I a hung hi phat in England gam ah thagau mi pawl khat, Puritans kitite chun amau gin dan gual ah Kochuam chia theina ding in dawtna lekha a la piau hi. Lal James I chun amau thu awi nuamlo maleh amau suklungawina ding in a kiholimpi hi. Thagau mite thildawt chu a lawting puai. Himaleh, a lalpau chun Bible thak suk dinglem a sakpi ah, mi thiam 55 a kokhawm ua, English pau in Bible thak chu kum 1611 in a hun sudawktau hi. Zia chu Holy Bible lak ah minthangpen, King James Version kitipen hi a hi. Pathian Thagau thu chun ma a sawn zel ah, khawvel pumpi sakhaw lianpen a hitai.



thiang hi, a ti chu nangman thianglo ti kin, a tia. Peter in a thil mu chu maksa tak ah a kingaitua lai in, ama ko ding mi pathum a hung tung ua. Lalpa aw chun, chia in la amau kha zui ziang in a tia. Peter ko, mi pathumte chun Kornelia in nang ko ding ah ei sawl ka hui, a tiu ah, Peter in amau haw chu a ko lut ah a umna inn ah chun a tun sak ah, a zing ah chun ama kote chu tawh a chiatau. Peter chu Kornelia inn a tun phat in Kornelia chun bawkkhup in chibai a buk ah, lim tak ah kiholim kawm in Kornelia inn ah chun a luttaw. Peter chun Kornelia kiang in Judahte

chun nam dangte a chuam bawl sek ui, ti la hiau. Himaleh, kuama thiang leh thianglo a um chuam puai, ti Pathian in ei hiatsak hi, ti in a kiang ah kilaakna thu kha a gen hi. Kornelia in le ama kiang ah vansawlchak thugen chu a hil hi. Peter chun Pathian in kuama dawichuam diak a nei puai, ti in Pathian hukdamna chanchinpha chu a hun gen ah, Jesu thu a hun gen hi. Peter thugen lai tak in ama thugen ngaitha mi tam takte chu Thagau Thiangtho a hung chang tau hi. Gentelte kiang in le thagau thiangtho a tung ah hukdamna a changtau.



13th September, 2012. (Ninga ni).

No. 13.

Lalpa tawh Thagau ah kizawm chu ama tawh kizawm a hiu.

I Korinth 6: 17.

Kuale Lalpa tawh kizawm chu Lalpa tawh thagau pakhat ah hingkhawm a hiu. La taksa uh chu Pathian Thagau chenna a hi, nangmau a la hi tapuau hi, ti helo, la hiu em? Jesu thisan ah chawksa la hitau ah, la taksau ah chun Pathian chawihawi un. Sawlchak Paul hin Korinth Kochuam, thagau mite kiang ah, Pathian Thagau chenna taak ding ah, a taksau a vawp thiangtho ding in a gen hi. Suapite haw, la taksau chu Pathiang kiang ah thilpiak hing, thiangtho leh pawm taak hi ding in ka hun ni la hiu, a ti.

Thuthunglui ah: David leh Jonathan chu kingai ma ma leu le Saul in David tha tei tei ding a guat ziak in Jonathan chun David kiang in, la thilona din zaam mai tan, a tia. Thase tak ah a kika zaw un a kikhentau. David leh a lawite tawmcha chu galvan leh nek ding neilo in a taimang tau. Nob khua in thiampu Ahimelekh kiang in David in nek ding a va dawt leh vaithum thiangtho bep ka nei hi. Numei lak ah la kisukthianlo uh leh ne thei puan lau, a tia. David in numei lak ah thiangtho ngawn ka hiu, tu nithum sung vang hi chu numei mu khalo ka hiu, a tia. Ziaphatchun, thiampute bep nek thei, vaithum thiangtho chu a neu ah, Goliath chemsau Biakin ah um chu thiampu chun a pia, a chiatau. David leh a lawite chu mi pha, numei chung

ah buaklo a hi ziak un, thiamputa chun a panpi ah, nek ding a piat. A taksa vawp thiangthote chu Pathian in a hemil ngai puai.

Khawvel ah sualna hi Setan in Adamte nupan ah kipat a bul a hun phu a hi ziak in Setan nasepna chun khawvel mihingte a hun subuakto zing hi. Adam chapa Seth suante chu Pathian hiat mihingte a hung pungto zel ua, a hung tam ma mau hi. Amau chu Pathian hemi leh Pathian ho mi a hiu hi. Himaleh, Pathian hanselaw, Kain (Kaina) suante chun Pathian limsaklo, Pathian holo mi a hung hi tau hi. Hun a hung chia zel ah khawvel ah, mihing a hung pun zel phat in, Seth suante leh Kain suante chu a hung kimutua ua. Pathian helo nungak melpha leh hawi tak tak chu Pathian he, Seth suante chun a hun dawu ua,

Rome sawrkar nuai ah Judahte gam awptu, Constantine chu vaihawmtu a pan ma in, kilaakna a mu, van lam ah Jesu kros vak a mui, a lungthim a khawi ma ma hi. Ziazaw ah chun Constantine in a mang in Jesu kros a mu kit ah, amang ah chun zia kros lim hi la sepaite awmpahaw zosia in ziak in, a tia. Zia gual chun kros lim chu ama leh a sepia zosia a awmpahaw in a taak ui. A mang ah thu puan a mu gual ah chun kidona ah a melmate a zo ah, ama chu vaihawmtu lian tak a hung hitai. Constantine chun a gal hatna leh a lawtinna chu Jesu panpina ziak a hi, ti a hiat ziak in Jesu a ding ah thil pha bawl a guai. Kum 313 A.D. in ama bial sung ah mi zosia chu amau sakhua chiat zalen tak ah ho thei ding in thupiak thupi tak a sua hi. Ziazaw ah chun Constantine chun Rome sawrkar in kochuamte nei leh lam a lakpiaksa haw zosia chu a piakkit sak hi. Rome sawrkar sum le kochuamte mat ding in a pe sek hi. Ama ngei le kochuamte kikhawpna leh kihokhawmna in a pang ah, Khristiante vaihawmna ah mapuitu in a pang hi.

Constantine hi Rome Governor a hia, Kristianna lam ah le, sum

leh thasenna zosia ah mapuitu leh kochuamte kingakna a hi. Ama ziak in Kochuamte mumpipen chu Kochuamte mumpipen chu Italy gam ah khawpi lianpen, Rome khua a hitai. Hun a chia zel ah Kristiante chu Catholic Church a hung kiti tozel tau. Kochuam khangtho ah chun Catholic ngawn ah sui ding dan in a hung um tai. Kochuamte chun Pathian Thagau Thiangtho nasep sang ah khawvel hausakna a hun ngai thupizaw tau hi. Kum 1377 A.D. John Wycliffe chu London ah Bishop office ah hek a hi ziak in gawt ding ah ko a hi. John Wycliffe hin Roman Catholic-ten Pathian thagau ngaikhawklo ah khawvel sum hawl ah, gitlo ngaidamna haw sum ah chawk ding ah a zawk uh chu zada ah, a nial sek hi. Zia lai ah chun Bible chu thiampute bep in a nei thei, kochuam mi vantang nei theilo a hi. Zia chu John Wycliffe in pha a sa pua, a nial ah, Bible hi mi zosia a ding a hi, tin a pangchak hi. John Wycliffe hi English Bible ziak dawk masapen a hi. Ama hi thagau mi, lekthiam, Jesu nungzuite gual ah sum ngainalo ah Pathian nasemtu a hi. Ziazaw ah chun Martin Luther chu Pathian thagau in a thuam ah, Catholic hotuten thawlawm paisa hawl na, sual

No. 18. 18th September, 2012. (Sepkit ni).

Thagau Thiangtho hung tun ah gingtu hun punna.

Acts. 4:3.

Penticost ni Thagau Thiangtho a hung tun ah khan Peter in Chanchinpha Judahte lak ah a gen ah, zawlneite, Baptistu John leh Jesu a tha thu uh kichian tak ah a gen piak leh Judahte chu nasa tak in gitlo kisikna a hun nei ui. Suapite haw hukdam ah ka um theina ding un, bang ka bawl diam uh, ti in Peter leh a lawite chu a dawng ua. Peter chun Jesu min in baptisma chang leuchin, gitlo ngaidamna leh thagau thiangtho thilpiak te dawng thei in lau, a tia. Zia ni bep ah chun le ging thak mi 3000 hial a pung ui.

Gingtute lak ah martyr masapen, Stephen suang ah a selup phat un, Jerusalem ah gingtute chu a taizak ua, Judah gam, Samaria gam leh a khel lam tiang in a tai zaktau. Gingtute chun a taizak nau gam chiat in Jesu chanchin leh Penticost ni Thagau Thiangtho nasep thu chu a puangzak malam pek ui. Gam lianzaw leh a hiat phaklo tiang un chanchin pha thu chu apuang zak zel tai. Rome sawrkar leh Judahte, Jesu gingchalote chu kithua in Jesu ginge, thagau mite chu sugenthei maleu gingtute chuha tam deu deu tau hi.

Peter chu Thagau Thiangtho ah kipat kilaakna a mu ziak in gentelte kiang ah Pathian thu gen ah sawl a hi. Kornelia inn ah Pathian thu a gen ziak in gentelten le thagau baptisma a chang ua, thagau thilpiak a dawngtau.

Zektanlo, gentelte chung ah Hukdamna chanchin pha thu leh thagau thilpiak ziak in Peter chu Jerusalem ah Judahten a awimaw ua. Himaleh, Peter in Pathian nasepna thu chu kichian tak ah a gen piak phat in a nial thei ta puau. Jesu nungzuite le gam gamla tak tak ah chia in thagau malzawl na a hawmzak ua, dal zaw guallo in thagau nasepna chu a hung khang deu deu hi. Rome khawpi ah Jesu chanchin gen thupipen chu Jesu nungzui Peter leh sawlchak Paul a hui. Rome sawrkar in Kristiante a sukgenthei ziak un Peter chu a bungbu lam ah kros khenden in a that ua, sawlchak Paul chu a gawl a tan piak ua, a thitau hi. Zia gual ah sukgentheina chun gingtute chu a sulau diak pua, hukdamna chanchin pha chu a gam lianzaw ah puanzak a hi to zel hi.

18th September, 2012.

a hel ua, a hun kichenpi tau hi. Ziaphatchun, Pathian in khawvel ah mite chu a munawp a um tapua, khawvel chu a en nuam tapuai. Khawvel pumpi suksiat ding a gawtai. Ama thu awi leh ama thu awilo khendan ah, ama thu awilote chu sukmanthai a gawtai. Ziaziakchun, tui a let sak ah, ama thu-awi Noah te sungkuan bep chu a hing in a kawitai. Mi dang sia chu a thitau. Pathian mittungte bep chu khawvel in a chengtau hi.

Mihing gitlona chu taksa thisan tawh kizawm a hi ziak in, mihing suan zosia chu gitlona chuam chuam bawl in Pathian tawh kihothelona a hung um to zel hi. Mihing taksa gitlona chuam chuam chu gancha thisan ah sawp thian thei a hi zinglo ziak in Mosi dan ah gancha thisan ah kithawina chu le sutzawp a hung hi tapuai. Jesu Thisan ngei chu Pathian ngaina zosia gitlo silthianna a hung hitai. Jesu gingcha, hukdamna hawl zosia gitlo silthianna ding in Thagau Thiangtho in Jesu thisan ah Pathian hepinaziak ah sual sawp thiannan a mangtai.

Ziaziakchun, kuale Lalpa Thagau Thiangtho chang taphawt chu Jesu Krist gingcha a hia, Jesu tatna thisan a taksanna ziak ah Pathian in a pawm ah, Thagau Thiangtho a

chansak a hitai. Lalpa Thagau Thiangtho a chan nung ah chun a taksa chu Jesu Krist dawi gual ah mang ding ah Pathian kiang ah a lat ziak ah thagau chang bep a hi ti, a hiatmil ngailo ding a hi. Korinth thawt khatna, bung gukna, buakna a gen haw hi, pawsal leh numei kikal ah buakna leh Pathian dawilo gual zosia ah buakna a hi. Jesu Krist taksan ziak ah Thagau changtasate chu thagau chang kha nailote gual ah um thei a hi puau hi. Thagau chang kha nailote chu Thagau a channa ding ua a kisukthian uh a ngai ah, thagau changtasate chu Pathian thagau a vawp theina ding ua, a kisukthian uh a ngai hi. Jesu'n lungthim thiangthote chu a vangphau hi, Pathian a la mu ding a hui, a ti chu a dik ma ma hi.

Chun, taksa sukthiantho hi, thil haksa tak a hi. Pathian thagau panpina a ngai zing hi. Pathian thagau panpina chu Pathian ngaite bep in a mu thei ui. Jesu mu chu Pathian mu a hi. Jesu ngaina zosia chu Pathian thagau in a ngai zing hi. Tang sang suum in a bawm sek gual in Jesu ngaite chu Pathian thagau in a bawm sek hi. Thagau Thiangtho pawl thei ah umte chu Pathian mi thiangtho a hui. Thagau chang khalo chu Pathian mi thiangtho a hi ngai puau hi. Thagau Thiangtho nei un.

13th September, 2012.

No. 14. 14th September, 2012. (Ziltawp ni).

Pathian Thagau ngei chun ei dawt piak sek hi.

Rome 8:26

Pathian Thagau ngei chun i hatlonateu ei panpi sek hi. Eimau in Pathian kiang ah bang gual ah dawt ding a hem, ti i hethiam puau. Himaleh, Thagau chun gen theilo khawp in, gunchu tak ah thuum in ei dawt piak sek hi. Pathian Thagau in gingtute i hatlo zia in nasa tak in ei panpi in, Pa kiang ah ei dawt piak sek hi. Thuthunglui hun lai ah, Mosi dan ah vaihawm a hi lai in, gitlona chu a kigun tak ah thuk ding chu mihing vaihawmna ah thu dik a hi. Ha thasang ah ha, mit thasang ah mit, ti a hi. Zia chu min, mi dang ha a suk bawt leh ama ha le suk bawt ding a hia, min, mi mit a suk thuum leh, ama mit le suk thuum ding a hi, ti a hi. Himaleh, zia gual ah vaihawm chun thil pha a pawt thei diak pua, huaise tak ah kigawtna a tung zing sek zawi.

Jesu chun Mosi dan in a siamphat theilo chu siamphat a guat zawk a hi. Jesu'n Biakin ah mite ziltit ah, thu a gen lai in, dan thiamte leh Pharisaite chun, numei angkawm, a mat uh chu a hun pui ua. Biakin sung lailung tak ah, mipi ang in a din sak ua. Jesu kiang in, hotupa, zia numei hi a angkawm lai tak ah kiman a hi. Mosi dan ah chun suang ah selup ding a hi. Nangman, bangti'n la ngai em? a tiu hi. Zia thu chu Jesu a dem theina ding ua, a bawl khialna chaang a hui. Himaleh, Jesu chu a kuun ah, a khutzung in leitual a zia ah, amau haw chun bang a bawl uh em, ti helo gual in a um hi. Judah hotute chun Jesu chu a dawt nawn nawn phat un, a hung ding dawk ah, nanguh lak ah

sualna neilo la um ua leh, ama chun zia numei hi suang in sep masapen hen, a tia. Ziazawchun, a kuun suk kit ah, leitual chu a zia kit ah, Jesu thugen chu a hiat phat un, amau sia-leh-pha hiatna chun amau chu thiamlo a kichan chiat ua. A upapen ah kipat in pakhat khat in a pawt ua, a chiamang suak keitau. Jesu bepcha chu a um ah, Biakin mai, huangsung lailung tak ah numei nu chu a ding zing hi. Jesu a hung dindaw phat in numeinu bepcha chu a umtai. Jesu chun numeinu kiang in nang hun hektute haw kha khawi ah um a hi tau em? Kuaman thiamlo hun chansaklo a hui em? a tia. Numeinu chun, Lalpa, kuaman thiamlo ei chansak puai, a tia. Jesu chun,

tawh a kido ua, Ahab chu, thal chang in a kap kha, a thitai. Israel gam ah zawlnei za li zuauthete thugen a dik pua, zawlnei pakhat, Pathian tawh kizawmpa thugen chu a dik hi. Chun, zawlnei Elishah chu Jeriko khua kipat Bethel ah a chia leh pawsal naupang hawn in a la simmaw bawl ua, lukawlp, chiamang in, a la tiu ah. Elishah chu a lungna, a hankhum leh savawm pani a hung ua, pawsal nau pang 12 chu a petlumtau. Thagau mite bawlsiat chu thil lau-um tak a hi.

Jesu'n a damsung ah phuba a la ngai puai. A nungzuiten, ka suapi in, ka chung in thil sukhial leh bangvei zat ka ngaidam diam, sagi vei tiang ka ngaidam diam? a tiu leh, Jesu chun sagivei le sawm sagi vei tiang ngaidam un, a tii. Thagau Thiangtho chu Jesu gual ah lungniang tak a hi. Himaleh, Jesu chun Pathian leh Chapa gensiatna chu ngaidam hin tin, ahinla, Thagau Thiangtho gensiatna chu tu khawvel leh van ah le ngaidamhi puanna, a ti a hi. Penticost ni Thagau Thiangtho nasep gingchalo chu Kristian dik tak a hi puau a hi.



Revival thupina zosia in penticost ni thagau thigawpi gual ah a hang sek ah, thagau in ginchaklo mite nasan a man ah, a hawi duang duang ua, pau mak tak tak ah pau in, thagau nasem in a pang ui. Kum 1851 in Wales gam ah Revival thupi tak a tung ah, a Biakin chung ua van lam ah lapawl kisa a hiau ah, Biakin ah a taikhawm ua, la a sak uh leh thagau thupi tak in a hung tung hi. Zia limna chu tawp theilo khawp in a gam un a tung hi. Revivalna, thagau a hung tun ah, mi khenkhat zukham gual ah hawi dawng dawng ziang, khenkhat kap kap ziang, khenkhat pauchap hai theilo haw chu amau bawl kawm a hi puai. Thagau chang a hui hi. Thagau chang ah hawi hawi, kap kap, pauchap hai theilo, laam laam ziang leh thupuang puang haw chu thagau nasep a hi. Thagau nasep hi thagau changlote hiatthiam ziang thei ei pua, thagau changten le a hiat theilo thil tam tak a um sek hi. Hiatthiam phaklo chu pauchapna lat mai ding a hi. Ahinla, thagau changte chun kuama bangma a suse puau. Pathian Thagau in a um sak gual ah um a hui.

Pathian thagau changte demsiat hi thil lau-umpen a hi. Amau haw zukham gual ah kham saktu chu

Pathian Thagau Thiangtho dik tak a hi. Amau haw demte chu Thagau Thiangtho dawilo lam hi ding a hi. Zawlnei zosia, zawlnei dik tak a hi diak puau. Judah lal Jehoshaphat chun Israel lal Ahab a va ve ah, Ramoth Gilead do ding in a va chial hi. Judah lal chun, Pathian dawng masai ti, a tia. Israel lal, Ahab chun zawlnei za li hial ka dawng ah, Ramoth Gilead chu do le chin zo ding la hi, ei tiu, a tia. Judah lal Jehoshaphat chun, zawlnei dang dawt thei umlo a hem? a tia. Ahab chun, Imlah chapa, Mikaiiah, a um hi. Himaleh, ama hin, thu pha ei gen piak kha puai, a tia. Jehoshaphat chun, Mikaiiah chu ko hi ti, a ti tei tei hi. Mikaiiah chu a ko ua, a hung tun phat in, lal Ahab chun, Mikaiiah, zuauthu panglo hial in, ei gen in, ka galte ka zo diam? a tia. Mikaiiah chun, Israelte chu belum hawn, a chingtu umlo ah tang chung ah taizak ka mui, a tia. Ahab chu a lung a na, Jehoshaphat kiang in, ziapa hi ka hun gensa gual kha a hi, a tia. A sepaite kiang in Mikaiiah chu suangkul in khum un la, ka hungkit masia an leh tui chu a thilona ding bep a la pia un, a tia. Mikaiiah chun, a hing ah la hung kilekit leh chu Pathian in ka kiang ah thu genlo hinna, a ti khum hi. Syriate

numeinu kiang in, ke'n le thiamlo ka hun chansak puai. Chia in la, gilo ta kin, a tia. Jesu chu mangthaite leh gitlo ziak ah thi dingte hukdam ding ah hung a hi, zia a sulang hi.

Judah dan houte leh Pharisaite ang ah numeinu hukhingtu chu Jesu a hi. Judah dan thiamte leh Pharisaite gitlona chu Jesu'n a mu chian ma ma ah, ama ma-ang ah, migiloten a mau gual ah gilo pakhat suang ah a selup ziang uh chu a ngam pakhat le a um puau ah, a leng un a zaammang siksek tau. Jesu kinialpi ngam pakhat le a um puau hi. Mi gilote hukdam ding ah hung a hi zia, a taklat nawpen a hi. Mi gilote chu a gitlo dungzui ua, gawtna piak ah, hukdamna changlo ah a manthai ding uh chu Pathian thiltup a hi puai. Jesu chun Jeriko khua haw then gua a chia leh Zakkai in a mu nuam ah theichang kung ah kal ah, a la en hi. Jesu chun Zakkai chu a ko ah, a inn ah a tung hi. Zakkai chu leiman dawlte hotu lianpen a hia, miten paisa negu, a tiu ah, mi phalo ah a gen uh a hi. Jesu chu Zakkai inn ah a tun chu mite chun kilawmlo a sa ma ma ui. Zakkai chun Jesu kiang in, Lalpa, ka nei kimkhat hi mi chagate piang ka tin, mi paisa ka lepguk a hileh, a le li in dit ing ka, a tia. Jesu

chun, tuni hin zia inn ah hin, hukdamna a tungtai. Ama hi le Abraham cha a hi. Mangthaite hawl ah hukdam ding ah mihing chapa hung a hi, a tia. Jesu chu Rome sepaite a mat ua khan a nungzuiten a zamsan sik sek ua, himaleh a chung un a lungna puai. Jesu chun mihingte thagau ah a hatlo ziau a hechin ma ma ah, a sukkhel gual un a chung un vai a hawm kha puai. Amau haw chu ziltit ah, siamphat ah, suk-hat tei tei ding a guai

Pharisai mi, Simon in Jesu chu a inn ah anne ding in a chial ah, Jesu chun an a va ne. Numei, gitlona nei pakhat in sathau man tam tak a hun chawi ah, Jesu keng bul ah kap kawm kawm in a chu, a mitthitui in a keng chu a sawp ah, a sam in a thiak nam ah, sathau gimtui chu a nu hi. Pharisai mi, Simon chun, Jesu hi zawlnei hileh chu zia numeinu sualna hi he ding a hia, zawlnei hikhel puanna, ti in a ngaitua hi. Jesu chun, a leibat tam tak ngaidam chu a kipakna a sang ah, a leibat tawmcha ngaidam chu a kipakna le a tawm hi, a tia. Ama gitlona tam tak ka ngaidam ziak in ka chung ah a kipak ma ma ah, nang gitlona tamlo neipa chu ka chung ah la kipakna le a tam puai, a ti piak hi. Thagau Thiangtho chu Jesu

thasang a hia, Jesu nasep ban chu sem ding ah hung a hi. Pathian kiang ah mi gilote gitlo ngaidamna dawt piaktu, Jesu a hi gual in Thagau Thiangtho chu migilote gitlo ngaidam dawt piaktu a hi.



No. 15.

15th September, 2012. (Kigin ni).

Pathian Thagau chu sunggil lam he thei a hi.

I Korinth 2: 9-13.

Mit ah mu ngailo, bil ah hiat ngailo, lungthim ah lut ngailo, Pathian in ama hepita a ding ah a guate a hi. Himaleh, zia chu Pathian in a thagau in ei uh kiang in a sulang hi. Thagau chun bangkim a he suak ah, Pathian thukna le a he thei hi. Mihing lungthim chu mihing thagau longal chun kuaman a he thei puai. Zia gual chun Pathian ngaituana chu Pathian thagaulo in kuaman a he thei puai. Khawvel thagau chang i hi puau ah, Pathian thil thawn piakte i hiatthiam theina ding ua Pathian thagau chang i hi zawu hi.

Mihingte hi Pathian chate himaleu Pathian dawu gual ah a umlo ua leh Pathian thagau in a pawl pua, Pathian thagau panpinalo in Pathian dawu gual a he thei puau. Chun, Pathian dawu gual ah um ziang leule, Pathian Thagau puinalo in Pathian thu dik a he thei diak puau hi. Jesu nungzuite khan le a hotupau chu Pathian chapa a hi ti a gingchau ah zui, a hui. Himaleh, mihing pian dan ah Jesu chu Joseph cha gual ah mi gen a hi ziak in Pathian chapa a hem, Pathian zawlnei a hem, hin a, ti ginchakna mi tam tak in a nei gual un

Jesu nungzuite natiang in le a nei ui. Jesu'n min kua a hi, ei tiu em? tia a dawt uh leh, miten zawlnei a hi a tiu, tin a dawnhu ui. Aleh nangun kua a hi, lei tiu em? a ti leh Peter in Pathian hing chapa la hi, a tia. Jesun, ka Pa, van ah um in a hun hiatsak a hi, a tia. A langsalpen, Jesu chu Pathian chapa a hi, ti hi, Israelten a hiat theilo kei uh a hi. A ziak chu a taksanlo ziak un amau ah thagau kithuapina a um pua, thagau panglo in kuaman Jesu chu Pathian chapa a hi, a ti thei puau hi.

15th September, 2012.

chu gam dang mi, Judah sakhua zuite leh Crete gam leh Arabia gam mite a hui hi. Gam chuam chiat leh pau chuam chiat himaleu hin Pathian nasep thupi tak a puan uh chu eimau pau chiat in i he chiat thei ui, a tiu hi. A leng un mak a sau ah a lungkham ma ma chiat ua. Zia gual thil um ziang hi, bang thu a hita diam, ti in a kidawngtua sau sau ui. Mi dang bangma helo haw chun la, a nuisan ua, ziate haw hi zukham a hui, a tiu hi.

Peter chu a hung dingdawk ah, nanguh Judah mi leh Jerusalem ah chengte haw Pathian nasep hi la hiat ding uh a hi. Zia mite haw hi, la ginchak gual ua, zukham a hi puau hi. Zingkal dak kua bep a hi. Zawlnei Zoel in Pathian Thagau Thiangtho hung tun ding thu a la genlawksa kha a hi, a tia, Pathian thu chu a hiat ding un a dit adet in a gen piak ah, zawlneite leh Jesu chu Judahten a sukgentheinau zosia thu a gen piak hi. Ziaphatchun, a lungthim uh chu mawlzum ah kisun gual in a hung nata. Peter leh nungzui dangte kiang in, suapite haw, bang bawl ding ka hi tau em? ti in a um dingdan uh a dawngtau hi. Peter chun, la gitlo uh kisik un la, Jesu min in Baptisma chang leu chin, la gitlonau ngaidam hin tin, thagau thilpiakte le dawngthei

inlau, a tia. Lalpa thutiam chu nanghaw a ding leh, la chateu a ding leh, gamla tak ah mite a ding leh Lalpa'n a kote a ding a hi, a tia. Peter thugen chu a ngai nuam ua, a kipak ma ma ua, baptisma a changtau. Zia ni ah chun mi 3000 hial in Jesu a hun pawm ua, Jesu gingte chu nasa tak in a pungtau hi. Jesu a ginnau chu a det deu deu ah, umkhawm leh dawn khawm in a pauchap ua, a kingaina ma ma ziang ui. Jesu nungzuite chun thilmak leh teptena tam tak a bawl ua, mipite chun Pathian a lau ua, hukdamna huang chu a hun del zung zungtau hi. A nei a lam uh chu kikawp in inn-sung khat gual in a khawsau ah, kihepina leh kipumkhatna'n a kienkawl ua, van gam teplawkna hin in a khawsatau hi.

Zia Penticost ni Thagau Thiangtho hung tun hi thil mak tak leh lamdang tak a hi ziak in kin tak in gam tin a kithang suak hi. Jesu chanchin chu thigaw mutleng gual in gam tin ah mite chawklintu a hung hi. Pathian Thagau in a hun thuam phat in Jesu nungzuite zosia chu thagau a chang chiat ua, amau sepna mun chiat un thi ding laulo in Khrist hepina chu puang in a hinnau, a hatnau leh tha leh zung zosia mang in a pang chiat ua, martyr ngawn in a thitau hi

17th September, 2012.

ding thu leh thil pawimaw zosia in Pathian in vansawlchakte a sawl sek hi. Ziazaw ah chun Pathian in zawlnei Samuel, Nathan, Elijah, Elisha, leh zawlnei tam tak a sawl hi. Zawlnei nunungpen, Malaki zaw in zawlnei chu gen minthan ding, Bible in a ziak tapuai. Amau zaw in Jesu ngei chu a hung ah, mihingte kiang in van pau ah thu genlo in mihing pau in van leh lei thu pawimaw zosia a gen hi. Jesu van ah a kalto nung in, Thagau Thiangtho longal Lalpa Jesu tawh ei zawm ding a um tapuai. Lalpa Jesu hun sawl, Pathian Thagau chun mangthaisa, mihingte tawh Pathian kikal a zawm kit ah, Pathian cha i hinaw ei sutzawp piak hi.



No. 17. 17th September, 2012. (Seppat ni).

Penticost ni Thagau Thiangtho hung tunna.

Acts 2: 9

Penticost ni a hung tun ah chun Jesu gingtute chu kithugual tak in mun khat in a umkhawm ua. Thigawpi hat tak gual in van lam a hung gi, Pathian Thagau Thiangtho chun a chutkhawmnau inn chu a hun lua dim ziangtai. Thagau chu lei (kam sung ah lei) gual ah san, meikuang gual ah kikhenzak zawt zawt in a mu’u ah, zia chu amau haw zosia chung in a chu. A lengun Thagau Thiangtho in a dim ua, Thagau in a pau daw sak gual in pau danglam (pau hiatlo) in a pau ui. Amau haw chu Judah mi, Pathian ngaina, nam tin lak ah kipat hung khawm, Jerusalem ah a umkhawm lai tak uh a hi. Thagau Thiangtho hung tun git, thupi tak chu miten a hiat phat un, mi tam tak a hung tai khawm ua, a thugenteu chu mi zosian a mau pau gual chiat ah a hiat thei ziak un mak a sa ma ma ui. Mak a sa taluau ah, zia thugentute hi Galilee mi hilo a hui em? Bang a ti leh amau haw thugen hi i leng ua, i pau gual chiat ua i hiat thei uh a hi diam? a tiu. Khenkhat chu Parthia mite, Media mite, Elam mite, Mesopotamia gam mite, Judae gam mite, Kappadokia gam mite, Pontas gam mite, Asia gam mite, Phrigia gam mite, Pamphilia gam mite, Egypt gam mite, Lybia gam mite, Sairin bial mite, leh Rome ah kipat khualzinte, a hui hi. Khenkhat chu Judah mi leh khenkhat

Pharisai mi, Simon in Jesu an ne ding in a chial ah, Simon inn ah an a nek lai un, numei sualna nei hi, a hung ah Jesu kengbul in a kap ah, a mitthitui in a keng a sil ah, a sam in a nawt thiang ah, sathau gimtui chu a nu leh Jesu chun a lungsiat ma ma hi. Pharisai, Simon chun, ziapa hi zawlnei hileh chu zianu hi mi gilo a hi, ti he ding a hia, amahin bangma helo a hi, tin a lungthim in, a la ngaitua hi. A gendawlo, a lungthim ah, a ngaitua chu Jesu’n a hia, hawi tak in a hilchian hi. Amanu hi, mi gilo a hia, a kisik ah, ei ka khum ah, a mitthitui in ka keng a sil ah, a sam in a thiaknam ah, sathau gimtui ei nu ah, a gitlona ka ngaidam tai. Nangman sualna tamlo la nei ah, ka keng silna ding tui lei pe pua, lei chawp puai. Lei ngainatna chu a tawm hi. Aman ei ngaina ma ma hi, tin a hilchiantai. Jesu chu Pathian a hia, Pathian chu Thagau a hia, mi lungthim ah thuguk a he thei zing hi.

Ananias leh Sapphira in sawlchakte a them ua, a van zawk man uh khenkhat a im ua. Ziachu Peter in a hia, a vau ah, a pani un a thi ziang ui. Ziate nupan paisa ipguk chu kuaman a he pua, a hetu chu Thagau Thiangtho a hi. Peter chu Thagau mi a hi ziak in zia thuguk chu a hechian ah amau teni chu a hankhum ah, a thitau hi.

Sawlchak Paulte chu Kaisaria ah Philip inn ah a tung ua, ni tam tak a chaam ua. Judah mi, zawlnei pakhat, a min Agaba a hung ah, Paul kawnggak chu a la, a khut leh a keng a kaan ah, Thagau Thiangtho chun zia kawnggak neipa hi Jerusalem ah Judahten zia gual gual ah hi kaan in tin uh Gentelte kiang ah pedawk ding a hui, a tia. Zia thu a hiat phat un gingtute zosia chun Paul chu Jerusalem ah chialo ding in tho taan a guau hi. Ama chu tho taan zaw ding gual a hilo phat in, Lalpa thu thu himai hen, ti in a chia sak tau hi. Pathian Thagau in thuguk leh thil hung tung ding chu a helawk zing hi.

Thuguk leh thil hung tung ding sang ah hiat haksazaw chu Pathian lungthim leh Thagau Thiangtho dawilam hi a hi. Pathian in Keima beplo chu Pathian dang ho kin, a ti. Biakin ah kithawi ding dan chu Thiampute leh Levi chite pha tak in a hil hi. Himaleh, lungthim tak ah a holo phat un a kithawinau chu a ning a tel ah, a thil dawt haw’u chu a limsak nuam ta puai. Israelte chun Pathian chu belam leh bawng ah kithawi ah, suklungdam ding a guat uh chu Pathian daw gual a ting tapuai. Pathian lunglam chu ama, Pathian chu lungthim zosia, thagau

zosia leh ngaituana zosia ah hepi ding a hi. Pathian dawipen chu hephalo in a dawipen hilo ah chun suklungdam ding a guat ziaak un Israelte chun a khang a khang in Pathian chu a sulungdam thei tapuau. Pathian lunglam hiatsaktu chu Pathian thagau bep a hi. Mihing lungthim hiatna ding in mihing lungthim ma ma a ngai gual gual in Pathian lungthim hiatna ding in Pathian Thagau ma ma a ngai hi.



No. 16. 16th September, 2012. (Pathian ni).

Pathian Thagau pui ah um chu Pathian chate a hiu.

Rome 8: 14

Pathian thagau pui tapo chu Pathian chate a hiu. Suak hina thagau chang la hi puau ah, cha hina thagau chang la hizawu hi. Zi ziaakchun, he pa ti in, Pathian chu i ko sek ui. Thagau Thiang leh eimau thagau chun Pathian chate i hiu hi, ti ei hiatsak hi. Pathian chate i hiu chun, Pathian golua ding i hiu hi. Khrist tawh Pathian golua khawm ding i hiu. Ama tawh haksatna i thawk khawm uh chun ama tawh chawihawi khawm ah um ding i hiu.

Pathian in Adam a pui huai gual in Abel, Seth, Noah leh ama tawh kihothi zosia a pui huai sek hi. Zawlneite zosia chu Pathian thu ngai, Pathian ngaina mi a hiu ah, nu leh pa, suapite leh gual leh pai nusia ah Pathian tawh kiho leh Pathian nasem mi a hiu hi. Zi ziaakchun, zawlnei haw hi Pathian cha leh Pathian nasem a hiu. Penticost ni a hung tun ah khan Jesu nungzuite bep thagau a chang puau ah, Jesu ngaina zosia chu a chang ui. Zia ni ah thagau

changte chu Pathian chate a hiu ah, a chiana lam zosia un Pathian thu, Jesu chanchin chu a gen malam pek ua, Jesu thu chu thukithang thupipen a hung hitai.

Jesu nungzui, Philip kha Pathian Thagau chang ah thilmak bawl leh thugentu minthang tak a hia, Pathian thagau in Jerusalem ah kipat Gaza zawtna lam ah, Ethiopia mi, mitilge kiang ah Pathian thu gen ding in a sawl hi. Philip chu a va chia ah, zawlnei Isaiah lekhabu a

sim lai chu a va hilchian ah, mitilge chun Jesu a hun ging ah, baptisma a chansaktai. Baptisma a chansak zaw phat phat in Pathian thagau in Philip chu a lamang ah, Azota khua in a kawitai. Ama hi Pathian thagau pui, mi minthang tak a hi. Jesu nungzui, sawm leh pakhate kha a leng un thagau a chang ua, Pathian thagau pui in a damsung sia un Jesu thu a puang ui. Zi leh cha nei umlo in, a damsung niu zosia hukdamna thu genna in a mangtum kei chiat ui. Peter leh Barnaba te chu a chiana ding uh Pathian thagau in a pui sek ah, chanchinpha a gennau haw ah gingtu tam tak in Jesu a ging zung zung ui.

Sawlwchak Paul chu, a pianthak ni ah kipat ah, Pathian Thagau in a pui zing ziang a hi. Damaska khaw kiang ah kipat ah Damaska khawpi sung ah Judah inn tiang chu ama chia theilo ah mi pui lut a hi. Judah inn ah kipat ah Damaska khawpi sung ah mipi kikhawpna inn ah Jesu thu a gen pan tai. A damsung ah, missionary gual ah Pathian thu gen ah thumvei, gam lian tak a fang ah, Mesidonia gam ah thagau mangthaite haw, Thagau Thiangtho in a hetsak ah, a va chia, gingtu det tak tak a va siam hi. Jesu

thu gen ah a chiana ah, dodalna leh sukgentheina tuak zel ding a hi, ti Pathian Thagau in a hil sek hi. Himaleh, ama chun, gentheina leh suangkul lutna bep hilo in Jesu min ah thi ngam a hi, ti a puang zel hi. Kaisaria ah zawlnei Agaba in Paul chu Jerusalem a tun tak leh Judahten man in tin uh, suangkul ah khum ding a hiu, ti thu a puan ziaak in gingtute chun Paul chu Jerusalem ah chialo ding in a theem ua, ha ka in a ka khum ui. Himaleh, Jesu min ah thina chu laulo in Paul chun Rome gam pumpin khawpi lianpen leh sawrkar thuneitu, lianpen umna chu zuan in a chia zel hi.

Mihing chu Pathian cha a hia, thagau (soul) nei a hi. Zia mihing thagau chu Pathian thagau tawh a kizawp leh mihing chu Pathian tawh kizawm a hi. Pathian thagau panglo in kuaman Pathian a kizawppi thei puai. Hun nunung leh hun masa in le Pathian thagau tawh mihing kizawmlo chu Pathian mi a hi puai. Malai in Pathian in mihingte chu ama ngei in a kantha, a kihopi sek ah, Adam hun ah kipat Abraham hun tiang in, Pathian in a mi dawite chu a ho sek hi. Zi zawchun, vansawlwchakte a sawl ah, Sodom khaw kaak ding thu, Samuel pian ding thu, Samson pian